



PL
248
A782B8





وفدا کاریسنی ، اک بارز بر شکله ، عادتاً متبلر بر حالده تثبیت
ایتمش اولیور . پیهس بوراده ماضی ایله حالک مزجندن متولد
بر هیجان عظیم ایچنده ختام بولیور .

جلال اسعد بك ، بو قدر علوی بر خصیصه یی تثبیت
ایتدیکندن دولایي جداً شایان تبریکدر . بالخاصه پیهسک بوتون
روحنی تمثیل ایچون ، ده قورلری تنظیم خصوصنده اختیار ایتدیکی
فدا کارلق وتورک روحنی آثار صناعیه ده تجلی ایتدیر مک صورتنده
کوستردیکی یکیلک صحنه لر مزده شمدی یه قدر ایلاک دفعه اوله رق
قید ایدیله جک اک بویوک بر موفقیتدر . بز ، صوک سوزمن
اوله رق محترم مؤلفه بر تحفه تقدیر کوندرمکی وظیفه دن بیلیورز .

اوله رق طائمش و بو تلقی یه لیاقت محقه احراز ایله مشدر. توران
جریانک سلامت تعالینسی تأمین مقصدیله یازدینی و بویوک
فدا کارلقلرله وضع صحنه ایتدیردیکی صوک « بویوک یارین »
پیه سی ، تماشا مزده کی تورکلک جریانی طلوعنک ایلك ایشیغی
تشکیل ایلر . « بویوک یارین » پیه سی تورکلک قبل الاسلام
حیاتنه عائد ایلك تماشا در . بوراده بویوک بر تورک عر فة اعتلا سنده
بولنیورز . تیموچین ، جنکیز خان اوله حق ! فقط بونک ایچون
بویوک بر فدا کارلق، قهرمان بر وجودک، قبیله بایراقدارینک
افولی لازم ! چونکه (تیموچین) ک والده سی (اولون اکه)
بایراقدار (طورغان بای) ی سویور . فقط بوتون قبیله نک ،
تیموچینک ، حتی بایراقدارک بیله اک بویوک آرزوسی ، (اولون
اکه) نک باشقه بریله ازدواجنده در . آرزو اولنان بو ازدواج
اولورسه ، بر چوق بکلر تیموچینه صادق قاله رق ترک دیار ایتیه جکلر
وبوصورتله (تیموچین) ده (جنکیز خان) اوله حق . نهایت او یله
بر زمان کلیورکه ، (اولون اکه) ، (طورغان بای) ک اصرار یله
قبول ایتدیکی بو یکی ازدواجدن صرف نظر ایدیور . ایشته
بودقیقه قبیله نک اک بحرانی بر دقیقه سیدر . بو بویوک فلاکتی
برطرف ایتک ، (تیموچین) ی (جنکیز خان) یامق ، خاقان یامق
ایچون (طورغان بای) فدا ی نفس ایدیور .

بواعتبار ایله جلال اسعدبک ، تورکلک اک بلند بر خصیصه سنی ،
ملا ر مفکوره ایشمک خصوصنده کی خصیصه محویت

بویوک یارین

طابع طرفندره عموده اولنمشر

۳۱ کانون اول ۱۹۱۴ تاریخلی اغا اوغلی احمد بکک ترجان حقیقت
غزته سنده کی مقاله نك صورتی

حقیقی عرفه انقلاب مواجهه سنده یز. توران جریان وعقیده سنك
تورك كنجلكنده، كوندن كونه متزاید برشوق ایله مظهر اولدیغی
بویوك حسن قبول، یوزلرمزی یکی بر دور تاریخی یه دوغرو
چویریور. بودور جدید تاریخنك موفقیتلرله تتوجی، هم بوتون
توركلکی قورتاره جق، همده عقیده تورانه امثالسز بر استقبالك
مسرترلرله، امیدلرله مالی قبولرینی آچه جقدر.

توران جریانی مملکت مزده یکی باشلایور. هنوز بوتون
قوای نمانسی اکتساب ایتمش دکلدر. فقط زمین انکشافی اوילה
خارقه نما اللرك موفقیتکارانه مساعیسیله طرح ایدلمشدر که
پک یاقینده، عظیم بر انقلابه، مطمئن بر تجدد تاریخی یه تجلیکاه
اوله جنی محققدر.

بو بویوك جریانك انکشافی تأمینه چالیشانلر آره سنده کی
بویوك، یورونق بیلمز سیالردن بری ده جلال اسعد بکدر.
جلال اسعد بك مملکت مزده حقیقی بر مبدع، حقیقی بر صنعتکار

تماشاكن صحنه لری ده ای بر مهارتله ترتیب ایدلمش ، سیما
والبسہ لرك مناسبته ده ممکن اولدیغی قدر اعتنا اولنمشدر . ا کر
یتشمش تغنی صنعتکارانمز اولسهیدی بو تماشایه فوق العاده بر
اوپرا وجوده کتیره بیلیردی . مع مافیه موجود فاجعه صنعتکارلریله ده
تقدیر ایدیله جك درجه ده مهارتله اوینامق قابل اوله بیلور .
اساساً (بویوك یارین) ی عادی بر اویون مراقیله تماشا ایتك
خطادر . بونی بویوك یارینمز ایچون حاضر لاش بر ملی درس
کی کور ملی وبو نقطه دن استفاده ایتلی یز .

امید ایده رز که (بویوك یارین) کونلرجه ، هفته لرجه ،
حتی آیلرجه بکله دیکمز (بویوك یارین) یارینك بتون بویوك کلکری
کورولد کدن صکرده تماشایه قونوله جق بر اثر در .

قدر بیلن تورکلر بونی تقدیرده بویوك لك کوسترمکی ده
بیله جکلر وبونی سیراید رکن هپ (بویوك یارین) ی دوشونه جکلر در .



آه بو یارین . . . شمدی اک صمیمی بر هیجان ایچنده ، بتون
معالیاتی روحزک درینلک لرنده حس ایدهرک بکله دیکمز بوبویوک
یارین پک یاقیندر . بونده شبهه ایتک ، بونی بکله مه مک تورک
ملیتنه یاقیشمیه جق بر قابلیتسزلک ، برغایغوسزلق ، برهیچلکدر .
بوبویوک یارین ایچون هنوز بو کوندن بوبویوک طویغولری اولمیانلر
وارسه بونلرک حق حیاتی بیله انکار ورده حقمز واردر .
تورکک بوکونکی دو کولن قهرمانلرینک قانلرینی ، بوکونکی
روحزده کومولن شهید اولادلرینی آنجق یارین ایچون ، آنجق
بوبویوک یارین ایچون فدا ایدیور . بوفدا کارلغک اک بویوک
مکافات یارینکی بویوک کونک ، بویوک انقلاباتی اولاجقدر .

شمدی وطنی سوهن هر تورکک ایشته قیزیل الماسی ! . . .
محترم جلال اسعد بک تماشاسنه بو کوزل اسمی ویرمکه
ملتک ایشته بو بویوک مفکوره سنه واسع بر صحنه حاضر لامش
اولویور . (بویوک یارین) آنجق بواعتبار ایله بزم کوکلزی ،
فکر مزی ، روحز یوکسلته جک بر تماشادر . بونده ، تورکلرک
ایلک تشکیلات قومیته سی ، ایلک تمل طاشنک آتلدیغی کونلرک
خاطره سی تصویر اولمشدر . ممکن اولدیغی قدر سوزلرک ساده لکسه
رعایت ایدلمش ، فقط تماشاده هنر ایفا ایدنلره تاریخی تورک
اسملری بولمقده ، امثالسز بر موفقیت ابراز اولمشدر . بواسملری
بوندن صکره طوغاجق تورک چوجوقلرینه نه قدر قولایلقله
بولوب ویره بیله جکز .

يارينه بو كوندن حاضر لاقم لازم! بزم ايجون بو بيوك يارين ؛
فتح اولمش يرلردن ضبط ايدلمش قلعهلردن و احراز ايدلمش
مظفريتلردن زياده بونلرك طيعي نتيجه سي اوله رق وجوده
كله جك اجتماعي انقلابلري ... توركلره و توركلكه يكي حيات
ويره جك ملي تشكيلاتى حاضر لامسى اعتباريله مقدس ، علوى
ومهمدر. يدى سنه دن برى كچن سياسى انقلابلرك ، قانلى محاربه لرك
آجى و طاتلى كونلرك ، بتون بر فوق العاده لكى احتوا ايدن
تاريخى بر دوره نك محصله سي ، غايه سي آنجق ملي مفكوره در .
بو بزم ايجون آنا ديلزله بر قيزيل الما ، بوكونكى ادبيات
لسانمزله نخبه امل ، اقصى تمنياتدر .

بزجه بوكونك ، نه قدر خارقه لرله طولو ، نه قدر تهلكه لر
واميدلرله مشبوع بولونورسه بولونسون - حتى آچيق سويله ملي -
نه اولورسه اولسون بر بويوك ياريني واردركه بو انجق ملي
طويغولرمزك ملي ياشايشمزك ، ملي ايسته كلرمزك ، ملي موجوديتمزك ،
خلاصه بتون معناسيله توركلكمزك باشلانغچنى تشكيل ايدم جكدرد .
بوكونك بويوك ياريني توركلكى . . . عصرلرجه بويوكلكلر
كوسترمش ، بر تاريخ فتوحات وجوده كتيرمش ، بر مدنيت
خلق ايتمش ، بر ملت توليد ايله مش اولان توركلكى ياشاهه جق ،
توركلكى يوكسلته جك ، توركلكه تازه قان ، تازه حيات ، تازه
جان ، تازه امل ويره جك ، توركه توركلكنى و ملتلك شرف
و شائى و انكشاف و بقاسنى بيلديره جك و اوكره ته جكدرد .

مؤلفك روحنى، املنى، مفكوره سنى پك اولدن برى، غايت
 ابى بيليرز . جلال اسعد بك استبدادك بتون يوقلقلرى ايچنده
 « اقدام » ه فن معماریه ، خصوصيله تورك معماريسنه دائر
 مقالات يازاردى . (وطن) كلهسى كې (تورك) و (توركلك)
 كملرندن ده قوشقولانان استبداد اداره سى كونك برنده بونلرك
 نشرىنى منع ايدويورمشدى .

جلال اسعد بكك انقلابى متعاقب نشر ايتدىكى تاريخى
 اثرلرك اهميتى برطرف ، بونلرده توركلرك آثار مدنيه يى ظن
 ايدلدىكى كې تخرىبه دكل بلكه قيمت شناسلق كوستره رك
 محافظه چالشمش اولدقلىنى اثبات ايدن دليللر ، وثيقه لر
 اوروپاليلر نظرندە توركلكه بويوك بر شرف قازانديرمش ،
 توركللكك روحنى اوروپا ارباب عرفانه طانيتديرمنه پك ابى
 وسيله اولمشدر . صكره اونك تورك عاداتى ، تورك تاريخى
 ياشانديره جق نه ابى همترلى وار .

پك ابى طانيتديغمز مؤلفى ، بيلمه ينلره بو قدر جق طانيتدير دقدن
 صكره بوصوك اثرى ، (بويوك يارين) ي ايچون ده ديه بيليرزكه
 شوچيرديكمز مهم وفوق العاده زمانك پك مهم بر حادثه انقلابيه سى
 كې تلقى يه شاياندر . بو كون تور كيا ، شمدى يه قدر ، بلكه تاريخنده
 كورولمەش مرتبه ده اهميتلى بر محاربه ايله مشغولدر . حدودلرده
 قهرمان مدافعلى خارقلر كوسترمكه چالشيور . بو كونكى
 حرب نيچون؟ ... هر حالده يارين ايچون دكللى ؟ او حالده بويوك

بویوک یارین

۲۹ کانون اول ۱۹۱۴ تاریخی اقدام غزته سنده کی مثالہ نک صورتی

بویوک یارین؛ تورکلکی یوکسه لیمکه، تورکلکک اصل واصل
روحنی یاشاتمغه چالیشانلر ایچنده دائماً نه یاپدیغنی بیلمش و اک
قوی، اک متین دلیللره استناد ایتک ایچون درین تدقیق و تبعلر
اجراسندن اوشنمه مش اولان جلال اسعدبکک، بوکون و بو آقشام
ویریله جک تماشاسنک اسمندر.

بویوک یارین؛ زمین وزمانه کوره غایت ایی بولمش، ایی
دوشونلش بر اسمدر. بوکون هیمز هپ (بویوک یارین) له
مشغول بولنیور، هپ بونی دوشوننیورز. جلال اسعدبکک اثری
بزه بوکون ویارینی تصویرایتمیور، بالعکس بک اوزاق برزماندن
تورکلرک ایلک اساسلی تشکیلاتنه عائد تاریخی بر منقبه دن باحثدر.
فقط عین زمانده ده تورکلک نقطه نظرندن بوکون ویارین ایله
نه قدر مناسبتی وار.

جلال اسعدبکک، مملکت مزده بک نادراً کورولن و براوردوپالی
مؤلف ادرا کنه بکزه یین بر نزا کتله اثرینک صوک تجربه سنه
غزته محررلرینی، تماشاً مؤلفلرینی و ادبامزدن بعضلرینی مطبوع
برر تذکره ایله دعوت ایتشدی. بومیانده بزده بو تجربه لرده
بولنق فرصت و بختیارلغنه نائل اولمشدق.

تفاک نچھسی آلتندہ ایکھ یور . اونلری قورتار . اونلرہ جان
ویر . آی طاغلر آچیل ، بو طوفانہ کچید ویر .

صای نور

طورغان !

طورغان

بندہ اولیورم . فقط باق صای نور بایراغم یوریور . آل
قانلرہ بویانمش قفقاسلرہ ایلرلیور . بوتون تورکلر دیریلیور .

(یرندن شدتلی قالقہرق)

ایشته بویوک یارین ، صاوولک بایراق کلیور .

(دوشر)

پردہ اینر .

صوک

نه ايچون چابوق اولمه يورم . تا كريم بكا يارديم ايت
آء اولوم نه ايچون بوقدر نازلانيورسك .

صای نور

طورغان جگرلرم يانيور .

(طورغان صای نوره ياقلاشهرق)

طورغان

صای نور ، صای نور ، كوزلريني آچ . ايشته باق كونس
طوغيور ، قراكلقلر اويانيور ، آتار كيشنه يور ، طاووللر
اوريليور ، آتيلير قوشيور ، مزارلقلر پاريلدايور ، بوزقيرلرده
قيچاق دشتلرندن ، چين چته لرندن ، تبت اووالرندن كلن آووللره
باق . باشغيرلر ، باقوتلر ، قيرغيزلر ، قازاقلر باق نصل يتاغندن
قورتولمش سيللر كي آقين آقين كليور . تيموچينك اطرافنده
طوپلانيورلر . ايشته كوك و قيزيل بايراقلر آلتايلري كچيور .
هندك ، چينك ، مصرك ، ايرانك هريرنده باق جنكيزك طوغلري
طالغه لانيور ، سرايلر يانيور ، ظالمرك باشلرندن قورغانلر
ياپيليور ، باق زندانلر ييقيليور ، اوخ يوز بيكلرجه مظلوم قورتوليور .
أي بيوك عرقم ! أي ملتم يورو . طوغكلا قاراكلقلري بوغ ،
جهانه نور وير . بوكون سنك ديلكي قونوشان سنك ايمانكي
طاشيان هرشيئي ، سكا بكزه ين بيكلرجه يوزبيك تورك جهلك

سندھ کل طوغان بایراغکله برابر کل . اولسون اکنک
قدرتی یشمیان او یرلرده آرتق بزی کیمسه بولاماز . اوراده
اویشیل یورد ایچنده اویویه لم . بزه او قوشلر نی
سویله سون طورغان ... بی یالکز براقه .

(صای نور فتالاشه رق دوشر)

طورغان

(قولاری ایچنه آله رق صاریلدقدنصوکره)

صای نور . صای نور . بدبخت قیز سنک روحکده کی
حیات او قدر بیوک که وجودک اوکا طار کلیور . آغلا ای دنیا
یر ملک اکیلدی . کوزل چوجوق نه اولدک ؟ کیجه لرك
روزکاری کی صوغودک . یا بن ؟ دها یاشیورم . بن اولومدن
قورقان انسانلر کی کندمی بوسارغیلرله دنیا به باغلامق ایسته یورم .
خیر ، خیر .

(صارغیلرینی سوکوب آتهرق)

یوز بیکلرجه تورکلرک سعاتی بنم اولومی بکلیور . بن دها
اولمه یورم .

(آجی طویه رق)

کوکسم آغریور.

(صای نور، برمدت آغلادقدنصو کره بردنبره طورور. طورغان
کوزلرینی قاپار) (صای نور بردنبره زهری آلهری ایجر) (چناغی
یره آتار) (کوزلرینی آچهرق)

صای نور نه یابدک ؟

صای نور

نه می یادم ؟ هیچ طوپراقلا ایچنده آریمک ،
چیچکلرده یاشامق ، روزکارلره قاریشمق نهایتسز کوکلرایچنده
رؤیالرك کلدیکی یرلره قدر اوچق. سندن اوکجه ... کیتمک ...
اوراده یوردمزی حاضرلامق ایسته دم. اورالری نه قدر کوزل.

طورغان

(قالفهرق صای نورک یانه قدر کیدوب قوللری آره سنه آلهرق)

صای نور ، صای نور !

صای نور

یشیل هپ یشیل ، نه کوزل قوشلر ، نه قمرزی کلنجکلر
باق هپ بزى بکلیورلر . اوراده سیسلرك ، بلوطلرك آرقه سنده
تا کرینک کولکه سنده باق ملککر یوردمزی قورو یورلر.

کوتورورم. ياراك ابي اولونجه يه قدر ايلك راستلا ديغمز براوبه ده
قاليرز. اورادنده طوغري بزم آوله كیده رز. اوراده آه
اوراده نه كوزل يشاردق بيلسهك. بني چايده كورديكك بهار
صباحي خاطر كده ميدر؟ ايسته طورغان بزم ايللرك هر صباحي
اويله بر بهاردر. اوراده يوردئر، بربريني سوهن چقتلرله، كولن
اوينايان چو جقتلرله طوليدر. بزمده بريوردمز، بزمده براوجاغمز
بلكه بزمده بركون اونلر كي كولن، اوينايان چو جقتلرمن
اولور. طورغان، كله جكسك، بنمله كله جكسك دكلي؟

طورغان

چوجوق كي سويليورسك صاي نور. بر طوغجي جاني
تا كريسنه ويرمه دن بايراغني ترك ايدمه جكني، سني آلامغه
ويرديكي آنددن كري دونه ميه جكني دوشونميورميسك. بزم
بورادن كيمه مله آكه بندن اميديني كسرمي ظن ايدنيورسك؟
صاي نور آوولك سلامتي آنجق بزم اولومده در. بن اولملي يم.

صاي نور

طورغان بني قارا كلقلر ايچنده براقيورسك. طورغان
طورغان.

طورغان

(كوكسني طوته رق)

خير سنك كوزلك سونميه جك . طورغانم بوقادار دوشونجه لری
باشكدن آت . قاجالم . قاجالم طورغان بو زهرلی يوردلردن ،
بو يويولی اورمانلردن قاجالم . يولده بزلی ایسترسه ، آرسلانلر
پارچالاسون ، قوردلر ییسون ، فقط بورالرده ، بو قورقونچیرلرده
طورمیه لم .

(طورغان صای نوره محزون باقار)

نه ایچون بر شی سویلیورسك طورغان ؟ نه ایچون کندیکي
قورتارمق ایستمیورسك بنی بر پارچه جق اولسون
سومیورمیسك ؟

طورغان

(صای نور قولاری آره سنه آله رق)

« كوزهل چوجوق » طورغان دنیاده سندن بشقه کیمسه نی
سومه دی . اوکا آتدن ، قیلنجدن ، بایراقدن بشقه سویله جك
بر شی دها اولدیغنی سن اوکره تدك . او شیمدی یه قدر سنك
عشقکه یاشادی . سنك عشقکه تیره دی . شیمدنصوکره ده
بشقه بر عشق طومیه جق .

صای نور

اوله ایسه قالدق طورغان . بن سنی آتمك ترکه سنده اینجیتمه دن

تا گریم ! بای صونغار !

(زهره باقهرق)

زهر !

طورغان

(کولومسیهرك)

بكا يارديم ايتمك ايستين بر دوست .

صای نور

کینلی دیشلرندن زهر دوکن بر ییلان .

(بای صونغاره طوغری)

سنده بایراغی قورتارمق ایستیورسك دكلی بای صونغار ؟
حقك وار مراق ائمه . چوچايك رؤیاسی چیقہ جق . طورغان
أوله جك . أكه ، مینلنك ايله أولنه جك ، تیموچین خاقان اوله جقدر .

صای نور

طورغان بكا آجیميورميسك ؟ بنم سندن بشقه کیم وار .
طورغانم ، آه طورغانم ، بنم بردانه جك طورغانم سن أولیه جكسك .

بر طارخاندی. امیم، سنی بندن چوق سوہ جکدر. اورادہ...
 ایستہ اورادہ، بوقانی ایللردن اوزاقدہ... یشیل چایرلر، آقار
 صولر، کونشلی چیچکلر، چیچکلی اووالردہ سرسری کلبکلر کی
 بربر مزك آرقه سندن قوشه رق، اوینایه رق یاشاردق. اورالردہ کی
 قوشلر بشقہ درلو اوتر، قوزیلر بشقہ درلو مہلر. اورالردہ کی
 آنام بلکہ حالا بنی بکلر. اورالردہ، اوت اورالردہ سنکله بر
 یورد ایچندہ....

طورغان

صوص صای نور صاقلان ... کلیورلر .
 (بایصونغار کورونور .) (صای نور صاقلانیر طورغان اوپور
 کی یاپار)

بای صونغار

متردد خطوه لرله چادیرك یانہ قدر کلوب قبوسندن اوزانه رق
 ایجری یه باقدقن صوکره خفیف بر مسله)

طورغان

(بای صونغار) یواش یواش کیرر ، النده کی چناقدن بر زهری
 صو چامچاغنه بوشالیر و یواش یواش چکیلیر کیدر .)

صای نور

(بولوندیغی یردن چیقہ رق)

صای نور

طورغان! سندن سوکره صای نور یاشارمی صاندک. سن بزم
ایچون ا که ایله اولمک کبی بر بختی، قوجه بر تختی فدا ایتدک.
سندن سوکره بنده بو جانی آرتق کیمک ایچون صاقلایه جق
ایدم. خیر طورغان، خیر آرسالان یوره کلی طورغان سن
اولیه جکسک. سن آرتق یاشایه جقسک دکلی؟

طورغان

(غریب غریب باقار باشنی قالدیروب خیر اشارتی یاپارق.)

صای نور

طورغان بکا آجی، طورغان بزم ایچون یاشا. خیر، خیر
سن اولیه جکسک. سن کندینک وصای نورک قاتلی اولیه جقسک.

(طورغانک باشنی الری ایچنه آلهرق)

سن بوراده بر بویو، بر بحران ایچنده سک، بورادن قاجالم.
بو اوغورسنز طاغردن اوزاقلاشه لم. بزم ایللره کیده لم،
اوراده

(آغلایهرق)

اوراده بلکه بابامی بولوردق. اوده سنک کبی بر بکدی.

(هرکس کیدرکن اُکه و چاغان کول کیروده قالیرلر . اُکه
آغلارکن طورغانه طوغری باقار و آغلايه آغلايه باشنی چاغان کولک
اوموزینه قویهرق باقه باقه چیقارلر .)

صحنه - ۱۲

طورغان ، صای نور صکره بای صونقار

(صای نور سدیرك آرقه سنده صاقلی بولوندیغی یردن چیقه رق
ایکی اوك الاری اوزرینه قالقوب باشنی قالدیریر و بر مدت طورغانک
چهره سنه باقار . صوکره طورغان کوزلرینی آچه رق اوننی کورونجه)

طورغان

(هیجانله)

صای نور ، سن بوراده !

صای نور

(بردنبه قالقوب فوشه رق طورغانک بویننه صاریلوب)

طورغانم ، نه ایچون بوئی یاپدک ؟

طورغان

بایراغی ، سنی ، اُکه نی هیکزی قورتارمق ایچون .

ایتدك . ايكيمزده ؛ ايكيمزده صوچلی یز . ايكيمزده طورغانك
بو حاله سبیز .

طورغان

(یاراسنه باقانلره)

رجا ایدهرم . اُکویه ، قرده شمه سویلیکیز آغلاماسونلر .
سزده آرتق بنی یالکیز براقکیز : سکونه احتیاجم وار . برآز
دیگنه یم .

قاراتای

یزده چکیله لمده طورغان بای برآز راحت ایتسون .

چوچای

(چاغان گل)

سزده آرتق بوراده آغلامیکیز . طورغانك آجینسی بسبتون
آرتدیریورسکیز . اُکویی آل کوتور .

چوچای

هایدی اُگم ، طورغانك راحت احتیاجی وار . آرتق یورده
بویوروکده اونی یالکیز براقه لم .

بنی عفو ایدیکز . سز بنی عفو ایدیکز اُکم . اونکده ،
 سزکده اییلککز ایچون ایسته میه رک الملیکزه ، آجیلریکزه
 بن سبب اولدم . بن آلقلق ایتم . چونکه.....

اُکه

چونکه ؟

چاغان کول

چونکه هرشیئی کوجویه سویله ن تا گری دکلدی ، بئدم .
 اُکم بئدم .

اُکه

نه سویله یورسک ؟

چاغان کول

اوت اُکم . سزی منلیکدن قورتارمق ایچون بوندن بشقه
 چاره قالمادیغنی کورونجه کوجونک یوانی بکلم . وچرکن
 اوکا هرشیئی آ کلاتدم ، آه قارده شک بو حاله بن سبب اولدم .
 کوریورسکزی بن سبب اولدم . بنی عفو ایدیکز .

اُکه

بیلیم . بیلیم چاغان کول بکا اییلکمی یوقسه قنلقمی

صیزك وارمی ؟

جاموقا ، قاراتای و برایکی کیشی اللرنده برچناق علاج ایله کلیرلر

چاغان کول

(کلن قاراتای کوره رك)

آمان قاراتای بابا یتیش قارده شمی قورتار .

(جاموقا ، قاراتای چوچای وعسکرلر طورغانك یارده سننه باقاركن)
(اُكه ایله چاغان کول بر آز چکیلرلر)

اُكه

آه چاغان کول حیات آرتق بنم ایچون چکیلمز بر عذاب
اولدی ، اکر طورغانه برشی اولورسه ؛ آمان تا کریم ، نه بختسز
باشم وارمش . سنده بدبختسك . سنکده فلاکتکه بن سبب اولدم .
تی عفو ایت چاغان کول . سنك بو کوز یاشریکه سبب هپ
بن ایم ، بن ایم ، بتون بو آجیلره سبب اولان هپ بن ایم .

چاغان کول

خیر اُکه . قرده شمك فلا کتنه سبب سز دکلسکیز ،
بن ایم . اوت بن ایم اُکه . بن آرتق ایشله دیکم صوچك کنانهی
چکیورم بن ییچاره طورغانك یاراسنی آچان بن ایم .

آمان دقت ایدیکیز . یالکیز دکلز .

بای صونغار

(کندی کندینه)

دیمک او

(چوچایه)

شیمدی هریشی آکلادم .

(بای صونغار چیقار) (چوچای طورغانه یاقلاشیر)

طورغان

چوچای ، ایشته رؤیاك چیقدی . اوق صاپلاندى . آتشلر
سونه جك .

چوچای

نه سويليورسك طورغان ؟ برشی آکلایه میورم .

آكه

طورغان !

چوچای

طورغان

أولمك ايستدم ؟

چاغان كل

أولمك ايسته مش .

طورغان

أوت ، أولمك ايستدم . أولمك ايچون دشمنلرك قىلنجى
آلنه سوقولدم . ايسته ميهرك قىليجم اوقىليجلى چلدى . اوقلره
قارشى كوكسى آچدم . ايسته ميهرك قالقانم اطرافده دهر بر
ديوار كسىلدى . اورولدم . نهايت سزك بكا ويرديك كز خنچرله
قلمى دلك ايستدم . صاپلايه جق ىرى بولماشم .

چاغان كول

طورغان بزه آجيمد كى ؟

ا كه

سزك ايچون و هيكزك سلامتى ايچون أولمك ايستدم .

چاغان كول

(باى سونغارى كورهرك)

چوچای

ایچه ، بویئتک یاننده . هایدی چابوق کیت چاغیر .

جاموقا

شیمدی .

(چیقار) (چوچای آرقه سندن باقارکن)

بای صونغار

(تلاشله کیرر)

زوالمی طورغان ، نصل اولدیده کندینی قوروامدی .
یاره سی نصل ؟

چوچای

ایچه درین .

(بایصونغار چادیره یاقلاشیر)

اُکه

(طورغانک یاره سنی گوره رک)

بو خنجر یاراسی ؟ دشمن اوقادار اوزاق ایکن ؟

آغلارکن کورمسون. یارەسی بیوک اولسە یورویە بیلیرمی ایدی.
هایدی بز یوردە کیدەلم.

(اهالی یه)

سزده چوجقلر چکیلکز هایدی باقەیم .

چاغان کول

خیر جاموقا براق بن قارده شمی کورمک ایسترم .

(چادیره دوغرو کیدەرك)

قارده شم .

(اهالی یواش یواش چکیلیر . اُ که ، چاغان کول و چوچای
طورغانک باشی اوچنده یارەسنە پاقلرلر. جاموقا بر آز آچیقده طورور.
چوچای چکیلەرك)

چوچای

(جاموقایه)

هایدی قوش جاموقا، قاراتایه خبرویر، کلسون. طورغانک
یاراسنی صارسون .

جاموقا

بویوکمی ؟

اُکھ

(ہیجانلہ)

طورغان !

(چادیر ایچندہ کی صای نوردہ ہیجان)

چوچای

اوزولش .

اُکھ

طورغان ! طورغان نہ اولدک ؟

طورغان

بر شی دکل بر اوق اولدم اوله مدم .

(طورغانی چادیرینہ طوغری کوتورورلر)

چاغان کول

قارده شم قارده شم .

(آغلامغه باشلار)

جاموقا

طور اورتالغی تلاشہ ویرمه . ہم کل باقہیم سنی بویله

مراق ایتیک . شمدی یتیشورز .

(چیقار)

تیوچین

بندہ کو کچونک یانہ کیدہ یم . اونی یالکز براقیہ لم .

(اُکھ یه)

شیمدی کلیرم .

(چیقار)

صحنہ — ۱۱

چوچای ، جاموقا ، اولون اُکھ ، چاغان کول ، عسکرلر صوکره طورغان
چاغان کول

اونہ ؟

(هپسی بردن یان طرفه باقارلر)

جاموقا

طورغان ؟ !

چاغان کل

یاره لی !

(برقاچ کیشی طورغانک قولارینه کیرمش بایراغی آئنده یواش
یواش کتیرلر)

بای صونغار

یار الیلره باقیور .

اُکه

طورغان نه اولدی ؟

بای صونغار

بر قاج آتلی ایله طایمچوغودلرک آرقه سندن کتدی .

اُکه

یابز نه طور ییورز ؟ بر پوصویه دوشمر لرسه .

بای صونغار

مراق ایتیک او اوزا قلاشماز . شیمدی نره ده ایسه کلیر .

اُکه

بای صونغار . اوئی یالکز براقاییکز . سویلیکز . سویلیکز
آتلیلر آرقه سندن یتیشسون .

بای صونغار

(اکیله رک)

قاراتای

ایشته تیموچینده کلیور .

(تیموچین ، بای صونغار ، جاموقا
وسائره آرقه لرنده عسکرلرله کلیر)

چوچای

(تیموچینه)

چکش اولسون .

تیموچین

آچقلر . بوراده اولدیغمزدن استفاده ایدهرک بش اون
کیشی ایله آشناغیده کی چادیرلردن برینی باصوب یاقشیلر .
بزمکیلرده تلاشله باصقینه اوغراق دیه قراکلقدده بربرلرینه
برقاچ اوق چکمشلر . ایشته بتون وقعه بوندن عبارت .

ا که

یارالانان ، اولهن وارمی ؟

بای صونغار

برقاچ کیشی اوللی .

(تیموچین اوزاقلره طوغری باقار)

تیموچین

کوجو نرهده ؟

چوچای

ایشته بای صونغار .

قاراتای

اوروشیورلر .

اُکه

طورغان ، او ؟ آتَشک یاننده بایراغیله اوروشان
طورغان دِکلی ؟

چوچای

خیر اُکه اوروشمیورلر . آتشی سوندیریورلر .

(اوانشاده برعسکر کیرر)

عسکر

(چوچایه)

دشمن قاجیور . تلاش ایده جک برشی یوق . برقچ
طایغیغود قارا کلقدن استفاده ایدرک یوردک برینه آتس ویرمشلر .
بزمکیلرده باصقین وار دییه یا کلشقله بربرلرینه اوق چکمشلر .
ایش آکلاشیلدی . هرشی طورددی . مراق ایده جک برشی یوق .

بوغورجی

(قوشوب کلەرك)
 اگەم قورقايك . باسقين ياپان طاييغودلر پك آزلق .
 يكرمى آتليدن فضله دكل . عسكرلرمن بش اون دانه سنى
 حقلادى . او برلر يده قاجيورلر .

اگە

او غلوم طاييغودلر دوزەنجيدر . سز همان يايلاغه آدم
 صالديرك . بزه ياردجى يوللاسونلر .
 (بوغورجى چيقار)

قاراتاي

(اوزاغه باقەرق)

سسلر اوزاقلاشيور .

چوچاي

اوت قاجيورلر .

اگە

او آتش نه ؟

قاراتاي

برچادير يانيور .

صوصقان

کتیره یم .

طورغان

خير اگم ايسته مز غائب ايده جك وقت يوق . بن كندي
قوللارم .

(اگه آلق ايچون چاديره طوغرى كيشمك استر)

صوصقان

(اوكنه كچرك)

بن كتيره یم . قورقايك اگم طورغان بايه قيلنج طوقونمز .

(طورغان چيقار ، داوولار دوام ايدر .
عسكرلر كلوب كچر بيوك بر تلاش وحرکت) .

جوچای

خان حريفلىر . تام بوكجه يي قوللا مشلر . آرتق طايحيغودلرك
وجوديني دنيادن قالدير مدقجه بزه راحت يوق .

اگه

(صوصقانه)

چابق بنم سلاحلريمي كتير !

(اورتەلق قاریشیر)

کوکچو

(اولدینی بزدن یوکسک سسله)

تە ك اوغللر تلاشه لزوم یوق . بویله برکیجه ده
باشقین یابه جق قدر آلق بر دشمندن قورقولمز .

(یرنن اینه زك)

سلاحلریکزه طاورانك تا کرینك اوغوری بزمه در .
آرقه مدن کلک .

اهالی

یشاسون کوکجو ، باتسون طایجیغودلر .

(چیقارلر)

کبرسون دشمنلر .

تیوچین

(بای صونفاره)

چابوق قارا اوللری طویلا . اوبه یی قوشاتسونلر .

اکه

طورغان زرهمکی کی .

آقشامدر . بو آقشام بتون جنلر ، پريلر باغليدر .. بو آقشام
 هوا، قارا ، صو ، دمير، آتش هپسیده قارده شدر . بو آقشام
 هر انسانك ياننده ايكي ملك اونك ديله ديكلريني تا كرى يه اولاشديرير .
 يرلري ، كوكلري يارادان تا كرى كيمسه يه كوروتمز . فقط
 اوهرشيئي كورور . هر كسك صوچنه كوره اوكا قوطلق
 ويرير . بو آتش اوتا كرينك انسانلره ارمغانيدر . بوز قورت
 قايلاري بو آتشله اريتدي اوقاپلردن دميرچيقاردى . اودميردنده
 ايسته شوقلنجي ياپدى . بو قيلنج اولسه توركلر كونس سونجه يه
 قدر اسيرايديلر . بو قيلنج اولسه انسانلر بربريني ييه جكلردى .
 (داوولر چالغه باشلار . بام ،
 بام ، بام ، كورولتيلر)

بو قيلنج ايجردن داوولر چالينير ، كورولتيلراولور .

چوچاي

او كورولتي نه ؟

باي صونغار

باصقينى وار ؟

عسكرلردن برى قوشه رق كلور

طايجينغودلر اوبه يي باصديلر . يتيشك آقام .

صوصقان

يېمكلىرى بىكندىكىز مى طورغان باي . نصل ؟ تا كرى دىلرسه
سزك دوكونك يېمكلىرىنىدە بن حاضرلايه جىغم . چادىردن برشىمى
لازم ؟ بن كتىره يم .

طورغان

بايراغى .

(صوصقان مان قوشار وئالباھ)

صاى نوره

(صوص اشارتى ياپهرق بايراغى قاپار
كتىرر طورغانه وىربركن)

وار اولسون كوك بايراق .

(طورغان بايراق آلندە اوجاق يانسە كىدوب
طورور . كوكچو اورتەدە تىموجىن برطرفدە . مىنلىنك ،
اوبرطرفندە چوچاى ، باي صونفار ، جاموقا ،
قاراتاي ، وساثرلوى طوفلرو مشعلە لرلە صىرالانورلر
كوكچو آغىر آغىر اوجاغك باشنە چىقارو آرقە سندن
برىسنىك يصدق اوستندە طوتدىنى قلنجى آلەرق
قالدىربر)

كوكچو

اوغللر . بو آقشام توركلرك اركنە قوندن قورتولدقلرى

چوق يالواردیلر . بنده کوچی قالدیردم . بورایه قدر کلدم .
 ردها اون ییل کیم صاغ قالور کیم اولور .

صوصقان

اویله ایسه سکا کوزهل بریر ویردم . شویله کل بو طرفه .
 هاه ایشته شوسدک اوستنه . چوجقلرده هایدی باقیم . ها
 که ردکن ؟ تام اوجاشق قابوشوس .

(یواش یواش غلبه لك آرمغه باشلار صوصقان
 برآراق چادیرك یاننه کلوب صای نوره)

برشی ایستینورمیسک ؟

صای نور

خیر .

صوصقان

آمان کندیکي قورو .
 (طورغان کبر)

صحنه — ۸

طورغان ، صوصقان ، صای نور و سائرلری

(طورغان چادیره طوغری بورورکن
 صوصقان اوکنه کچهرک)

(۱۰)

بوطوغلار تيموچينك طوغلار يمي ؟

عسكر

بودرت قويروقلي قاراطوغ بورجيكه نلرك، بوش قويروقلي
اق طوغده « ايل » ك .

عسكرلردن برى

ايسته بر آول دها كليور .

بريسى

قوجومات لر .

صوصقان

كلك بافالم چوجقار . اوغورلر كتيديكز .

(قادين چولوق چوجوق بربرر كيور .

ايچلرندن بريسى طانيه رق)

واى جاقصوغل . نره دن چيقدك ؟

جاقصوغل

نه ياهلم اوغل . بزم قادينله ياورولر دعاده بولونمق ايچون

صوصقان

شیمدی یمك یتشجه .

عسکرلردن بری

سز نره دن کلیورسکیز ؟

(۱)

تاصاین طایدن .

صوصقان

دها دمیر دعاسنی کورمدیکز می ؟

(۱)

خیر .

صوصقان

طالعکز وار . بو کونکی بایرام هیچ برینه بکنزه مز .

(۲)

بن اون ییل اولینه بوراده مینلینکک بردعاسنده بولونمشدم .

عسکرلردن بری

اووقنده او جافی بن حاضر لامشدم .

دیگری

اونلرده ایسته .

صوصقان

قامو ؟ چاقاق ؟

بریسی

(قوشاغندن چیقاره رق)

ایسته اونلرده حاضر .

صوصقان

کتیر باقالم . آتشی یاقالم .

(آتشی یاققله مشغول ایکن
کوجه لر بررایکیشر کیرلر)

کوجه لر دن بری

آقشام اوغور آقالر .

صوصقان

آقشام اوغور اوغوللر .

(۱)

دها کوکچو کلدیمی ؟ دعا نه وقت اوله جق ؟

صبر ایتلی . دها برقاچ سنه صبر ایتلی . اوزمانه قدرده بستیون
 اختیار لایه جغم . یا آرتق نی سومزسه ... دنیایه کله ملی والسلام
 ویاخود انسان قاریسی ایله برابر ککلی ... اولمک ایستیورم اما
 اولومدنده قورقیورم .

صای نور

زواللی صوصقان .

(اوئاناده اللرنده مشعله
 ایله برایکی کیشی کلیر)

صوصقان

آمان کلیورلر .

(صوصقان چکیلیر)

بررسی

ایشته صوصقان چراغلری کتبردک . نره یه قونیه جق .

صوصقان

طوغلرک یاننه . چیرالر ؟

صای نور

مراق ایتمه صوصقان .

(صای نور دلیکدن باقار)

آه نه آبی کوره جکم .

صوصقان

یمک یید کمی ؟

صای نور

خیر .

صوصقان

سکا بر آزیه جک کتیره یم .

صای نور

ایسته یم صوصقان . برشی ییه جک حالم یوق . یوره کم

تیره یور .

صوصقان

زوایی صای نور . آه بنده سنک کبی یم . بنده کشینی
دوشونمکدن خسته اولدم . اونی ایسته مکدن قورقیورم . اوسندن
دها کوچک . صکره آگه اونیده سنک کبی قاپایه جق . نه چاره ،

طوته جق. هايدى باقەيم شىمدى سن شوچا ديرك ايچنە صاقلان.
 طورغانك چا ديرى .

صاى نور

طورغانك مى ؟

صوصقان

أوت اونك ... اورايە بشقە كىمسە كلز . فقط كندىكى
 قورو . سنى كورمسونلر .

صاى نور

آه بنم ابي يوره كلى صوصقانم . البت بر كونده بنم سكا
 برايدلكم طوقونور .

صوصقان

(چاتىسنى چىقارەرق)

طور سكا چاقلا چا ديرك كنارينه بردليك آچەيم .

(آچار)

ناە ايشتە بودليكدن هر شىئى سىر ايدرسك . كىمسە سنى
 كورمز . صاقين كندىكى كوسترمە نەمى ؟

(اورتده کی اوجاغی کوستره رك)

ایشته دمیر دعاسی بوراده اوله جق . بوز قورتک دمیری
بواوجاقده قیزدیر یله جق . هر کسده قیلنجنه دمیردن اوغور
آله جق .

صای نور

ای دو کون ؟

صوصقان

دو کونده دعادن صو کره اوله جق .

صای نور

اودجکین نه وقت آته بیندیر یله جک ؟

صوصقان

یارین .

صای نور

آه . بنم سوکیلی صوصقانم . اوچ آیلق حسرتدن صو کره
طورغانی کوره جکم دکلی ؟

صوصقان

اوله یا . اوده شیمدی بورایه کله جک . دعاده بایراغی او

اولون اَکه

صوص ؛ چاغان کول. دو کون ایچون طوپلانا بوقدر خلقه
شمدی نه دییه جکلر .

چاغان کول

اونیده چوچای دوشونسون. هایدی اَکه جکم کوزلریکزی
سیلکزی، شیمدی هر کس بورایه کله جک. سزی بویله کور مسونلر،
یورده کیره لم. سزی یمکده بکلیورلر .

(جیقارلو)

صحنه - ۹

صوصقان ، صای نور (صکره برقاچ کیشی)

(صوصقان صحنه یه کیروب کیمسه اولدیغنی کوزدن
کچیرد کدنصو کرا یان طرفه طوغری الیه (کل،
کل، کل) اشارتی یاپار و صای نور کیبرکن) .

صوصقان

صوص کیمسه کور مسون ، اَکه خبر آلیرسه او بر
دنیا یه کیتدی کمز کوندر .

طورغان

اوکا کیم سویلش ؟

اۈگە

تا کری

چاغان کل

تا کری می ؟؟؟

طورغان

یا بنی ؟ بنم اسمی ده بیلور می ؟

اۈگە

بیلیم بلکه طورغان آرتق محو اولدق
کیت سنی بردها بنم یانمده کورمسونلر . کیت طورغان کیت
بندن اوزاقلاش

(طورغان مایوس برحاله یواش یواش اوزاقلاشیر)

چاغان کول

بونده او قدر صیقيله جق نه وار ؟ سزده قارده شمله
اولنیرسکز اولور بتر .

طورغان

أولميورمى ؟

(اُكەيە ياقلاشەزىق)

اُكەم ؟ ؟

اُكە

اوت . آرتق اُكە اولمىيەجك .

طورغان

نەسويليورسكز اُكەم ؛ يا بكا ويرديككز سوز ؟

اُكە

أولنەميەجك . چونكە

طورغان

چونكە ؟

چاغان كول

چونكە ايستەميور .

اُكە

چونكە كوكجو هرشيئي بيليور .

چاغان کول

نه اولدی اگم ؟ نیچون بو قدر هیجانلیسکیز ؟ آه بن
دیورم یا سزاوله جک ، بزی ده او کسوز ، کیسه سز براقه جقسکیز .

اولون اگه

اوت چاغان کول ، بن آرتق اولملیم ، بن آرتق یشاماملیم .

چاغان کول

تا کری اسیر که سون اگم . سز ایسترسه کز کندی کزی ده ،
بزی ده قورتا ریرسکیز . دها زماندر . دها نکاح اولمدی یا ،
اولنمکه راضی اولمزسکیز ، ایشته او قدر .

اولون اگه

او ذاتاً اولیه جق .

چاغان کول

(سونجمله)

اولیه جقمی ؟ او حالد ، او حالد بزی ده کندی کزی ده
قورتا ردیکز . اگم یا شایک اگم .
(طورغان چادیرینه دوغرو کلیرکن اگهی کورونجه دورور)

چاغان کول

طورغان مرده ، آرتق اگمز اچیکه ایله اولنمور .

بای صونغار

آوت ، هپسنی ایشیتدم .

جوچای

دیمک ؟

بای صونغار

اُگه بر دلیقانلی بی سودیکنی کوجویه اعتراف ایتدی .
سودو کون اولیه جق .

جوچای

دیمک صحیح مش

بای صونغار

نه فلاکت او ملعون کیم ایسه وجودینی قالدیر مق
بوینمک بورجی اولسون .

(چیقار لر)

صحنه — ۸

اولون اُگه ، چاغان کول (صوکره) طورغان

صحنه — ۷

جوچای ، اُگه ، چاغان گول (آرقه‌ده) بای صونغار

چاغان گول

(قوشوب کلهرک)

اُگه به نه اولدی ؟

جوچای

هیچ ، برآز یورولش اولمی .

چاغان گول

اُگه کندیکزه کلکز . نه کزو وار ؟ بریریکزمی آغریور .
برآز صو ایسترمیسکز ؟

(طورغانک چادیرندن برآز صو کتیره رک)

ایچیکز

(ایچرکن جوچای بای صونغازه راست کلیر .)

بای صونغار

(جوچایه)

فلاکت

جوچای

سن بوراده می ایدک ؟

تاموسم، ایمانم سز کدر. تا کری به آند ایدیورم که بن صوچلی
یور قادین دکلم. بنی عفو ایدیگز، بنی قورتاریگز

(آلرینی یوزینه قاپایه رق فنالق کلیر)

بن آرتق ئوللی یم .

کوکجو

تا کری سزی عفو ایتسون . آغلامایک . بونی کیمسه ،
حق بابام بیلله طویمیه جقدر . فقط شیمیدی سزه صورولدیغی
وقت نکاحی رد ایده جکسکز .

(اُ که آغلایه رق قایانک اوزرینه
یاسلانیر . اوصیره ده چوچای کیره رک)

چوچای

(اُ که به)

نه اولیورسکز ؟

(اُ که بی طوتار . کوکجونک حیرتله
یوزینه باقار . کوکجو یورویه رک)

کوکجو

سزی تیموچینک یاننده بکلیورم . اوراده کوروشورز .

(چیقار . او ائشاده چاغان کول کلیر)

اولون اُکه

آمان یاربی !

کوجو

سویلیکز، سویلیکز اُکه ، بکا تا کری هر شیشی بیلدیریر .
بندن بر شی کیزلنه مز .

اولون اُکه

قوطلو کوجو بنی عفو ایت .

کوجو

دیمک قلبکزده بر عشق وار .

اولون اُکه

اوت ، فقط تا کری عشقی قدر تمیز ...

کوجو

او دلیقانلینک اسمی ؟

اولون اُکه

آرتق بندن بر شی صورمیکز . کوجو بنی عفو ایدیکز .

اولون آكه

بويورو كز ...

كوكجو

نم كې بر كوك آدمك آناسى ده كوك قدر تميز يوركلى
اولميدر دكلى ؟

(بوئانده باى صونغار كيرر واوزاقدن ديكار)

اولون آكه

(تلاشله)

نه ديمك ايسته ديككزى آكلايه ميورم .

كوكجو

(ياقلاشهرق)

بن دون اورمان ايچندن آتمله كچر كن بكا تا كريدن بر
سس كلى . بو سس

اولون آكه

بو سس ؟

كوكجو

بو سس بكا ديدى كه : « آكه بر ده ليقاتلى يى سويور .
اونى بابا كه آلميه جقسك . »

جسارت ایده مز . شیمدی کیدوب اونی سزه یولایه جغم .
بوراده اوندن هر شئی صورار او کره نه بیلیر سکز . کوره جکسکز
کوجکو بو بر یالاندر ، بو افترا در .

(چیقار)

صحنه - ۶

کوجکو (یالکز) ، (صوکره اولون اُکه)

(کوجکو خلیفه دن کلن مکتوبی او قور . ایلرویه
طوغری باقار ، بر آاز کزینیر ، قایانک اوزرینه
اوطورور . او اثناده اُکه متبیج آدیملرله
کیره رک کوجکویه یا قلاشوب اوکنده اکیلرک
اونی سلاملا دقدن صوکره)

اولون اُکه

او غورلر کتیر دیکز قوطلو کوجکو ، بنی ایسته مشسکز .

کوجکو

اوت اُکه ، آرتق بو کوندن صوکره سز بنم آنام
اوله جقسکز . فقط اوندن اول سزدن بر شی صور مق
ایستم .

کوکجو

أوت . بنده پك اينامق ايسته مدم . يمين ايتدى .

چوچای

کیم مش ، او دلیقانی کیم مش . اسمنی سویلیدی ؟

کوکجو

خير چوق زورلادم فقط سویلیدی : « بيلمورم ،
بن اونى کيجه اگه نك چا ديرندن چيقارکن کوردم ، يوزینی
سيجه مدم . سز اگه يه صورارسه کنز او سز دن قورقار هپسنى
سویلر » دیدی .

چوچای

خير کوکجو خير . بو بر افترا در ، بو بر يالاندر .

کوکجو

هر حالده اگه يي نکاحدن اول کورمک ، اوندن هر شيشی
آکلامق ايسترم .

چوچای

أوت کوکجو أوت . صورمليسکنز ، آکلامليسکنز .
اگه نك سزه ایمانی بیو کدر . سز دن هيچ بر شی صاقلامغه

صحنه — ۵

چوچای ، کوچو

چوچای

بی مراقه دوشوردیکز کوچو .

کوچو

شیمدی یوله کلیرکن بر قالدینه تصادف ایتدم . سزک
آولدن اوله جق . بکا بک مهم شیلر سویلیدی .

چوچای

نه کی ؟

کوچو

دیدي که : اولون اگه بر دلیقانی بی سویور ، کوکلی
اونده در . بابا کز مینلیغک ناموسنی قورتارک . اگه ایله اولنسون .

چوچای

خیر ، بو یالاندر ، بو افترا در . اگه کی ناموسلی بر
خاتون ... خیر خیر بو یالاندر .

طورغان

سبب ؟

كوچو

(چوچايە)

بونك ايچون صوكره سنكله كوروشمك ايسترم .

طورغان

(كندى كندينه)

آمان ياربي يوقسه

چوچاي

طورغان باي بزم يابانچيمز دكلدر .

طورغان

(صيقيله رق قارا تاي آلوب)

بز قارا تايلاه برابر سزى تيموچينك اوتاغنده بكلرز .

(چيقارلر)

طورغان

يا تيموچين دها نچون مسلمان اولميور ؟

كوكجو

اونك ده زمانى ككلى.

چوچاي

اوغلوم سن ده بيليرسك كه بتون آوول خلقى بزه پاموق
ايلكيه باغليدر. بو آراق تيموچينك مسلمان اولديغى طويولورسه
اوبه مزدن اوغور قاچه جق ديه هر برى بر طرفه طاغليدر .
بز شيمدى اوللا تيموچيني قوتلنديرمك ، بتون آووللرى اونك
اطرافنده طويلامق ، بر طرفدن ده مسلمانلرك صايبسنى چوغالتمقه
اوغراشيورز . آوول بر كره قوتلنوب اونك اطرافنده صيم
صيقى طويلانقدن صوكره اونك مسلمانلغى بر كونلك ايشدر .
ايشته آگه مز مينيلنغ آچيكه ايله اولنير اولنمز آووللر بزه او
قدر صاغلام باغلانه جق كه اوندن صوكره هيچ بر قورقومن
قالميه جقدر .

كوكجو

فقط چوچاي..... اويله صانيورم كه بوازدواج اوله ميه جق.

چوچاي

اوله ميه جقمى ؟

ایشته برده مکتوبلری وار .

کوکجو

سزك طرفده مسلمانلق ایلرولیورمی؟

قارا تاي

أوت . بورالردن زیاده . هله کاشغره طوغری اویغورلر
بتون مسلماندر . کچدیکم یوللرده پك چوق مسلمانه راست
کلدم . باشغردلر ، قازاقلر ، قیچاقلر ، قالاچلر آراسنده بیکلرجه
صایسز مسلمان وار .

طورغان

اویله ایسه نه طورییورز ، دهانه بکلیورز ، نیچون دمیر
بایراملری ، بو بویولرله هر کسی آلداتیورز ؟ نیچون ، نیچون
لواءاسلامی آچیورز ، بوزاوالیلره حق ایشیغنی کوسترمیورز؟
کیمدن قورقیورز ، الله بزمه برابر دکلی ؟

چوچای

اوغلوم هر شیئك بر صیرهسی وار . قامه اینامق بورا
خلقنه آنادن قالمه بر کوره نکدر . کوره نکلر اویله بردنبره
قیریلماز . هر شیئك بر زمانی وار .

بویوچی صانار ، سزی ده بابا کز اچیکه ییده اولدورمک وسزه .
طاپان انسانلره انساندن تا کیری اولمیه جغنی کوسترمک ایستردم .

کوکجو

صکره موغوللرله تورکلرک سنی پارچه لایه جقلرندن
قورقزمی ایدک ؟

طورغان

خیر . بن عالمی بویوجیلردن ، افسونچیلردن قورتارمغه
آند ایتمش ایدم . بن یالکیز تا کیری به برده رسولنه اینانیوردم .
اورسولک بایراغی آلتنده انسانلری طوپلامق ، قاردهش اوله رق
یاشاتمق ایستردم .

کوکجو

اوله ایسه آرتق بوکا آل برلکیله چالیشه بیلیرز .
(قارا تایه)

خلیفه حضرترلرندن نه خبر ؟

قارا تای

سزه مخصوص سلامی وار ، دری اوستنه یازیش برده
قرآن کریم کوندردیله .
(قوینندن بر مکتوب چیقارده رق)

يوزلريكزي ييقاييك. دعايه حاضر اولك. هپ بردن تا كرى يه
يالوارىز. ياورولرم اورته لى آچيكز. كوچكو بر آزارحت
ايتسون.

چوچاي

(طورغان قايت متواضع بروضعيتده. چوچاي
اطرافنه باتينير، طورغانى كوچكويه كوستره رك)
اى كوچكو. اى عزيز استاد. ايشته سزه بوكون قلى،
دينى بتون برمسلمان دها. اذنكز اولورسه الكزى اوپسون.

كوچكو

طورغان باي مى ؟

(طورغان يانلاشه رق اللى اوپر)

ايشته بوكا ممنون اولدم. تا كرى سندنده، اونندنده راضى
اولسون.

(طورغانه)


كل بقايم بنم اوزقارده شم بنده ستنك آلنكدن اوپهيم.
تا كرى سكا نورينى احسان ايتدى. سنده آرتق انسانلردن
خدمتىكى اسيركه مه.

طورغان

شيخم بنى عفو ايت. بن دهاها مسلمان اولمهدن سزى بر



بویوک تارین — اوچنچی برده



1800-1801

اولون اگه

عشقمدن قور تولق صای نورله اولمك ایچون بی اوچوروملر،
آتمق ایستیورسك اویله می ؟

طورغان

خیر اگه یاکلیورسکز. بایراغمی، اگه می صای نورنده،
هر شیدنده زیاده سودیکمه آند ایدرم. بن سزك اچیکه ایله
اولمکزی یالکز آوولمزك سلامتی، تیموچینك خاقانلی ایچون
ایستیورم. اویله اولسهیدی ویردیکزکز اوبیوک سعادتی ردایتمک،
سزی آجیلر ایچنده براقق، بتون جانی سزك اوغورکزه
قییغه حاضر اولان بر کوله کز، بر طورغان ایچون ممکن
اولورمیدی؟ بکا اینانکز اگه، طورغان آرتق سزك حرمتکز،
مجتکزدن بشقه کوکلنده بر عشق طاشیمه یه جق. ایشته ده
زماندر. سویلیکز، سویلیکز اگه؛ اچیکه طویمه دن اونلر
یتیشه می، خبر ویره می.

چاغان کول

اگه بی نیچون بو قدر زورلیورسك؟ آوولمز شیعدی یه
قدر اچیکه ایله می یاشادی ؟

طورغان

خیر. فقط سنك بیلمدیکك، سکا، اگه یه سویلیه میه جکم

سبيلر وار . اچيكه يالكز . بزم سعادتمز ، راحتمز ايچون دكل
بو كون بربرليني پارچه لايان يوز بيكرجه توركل برلشوب
بر ملت اولمسي ، راحت وزنكين ياشامسي ايچون لازم . بزم
كنديسيه اولنهم قابل اولمديغني اگه ده پك اي بيلير . او حالده
بو فداكارلني ايمه مكله نه قازانير ؟

(اگه نه)

اگم ايشته سزه ضوك دفعه اوله رق يالواريورم . توركلر
ايچون بيوك بر استقبال سزك ايكي دوداقلريكزك آراسندن
چيقه جق بر سوزه باغلي طوريور . اكر بوكا انكل اولان
طورغان ايسه او يمين ايدر كه رد كز دن صو كره آرتق ياشاميه جقدره
سويليكر ، سويليكر اگم اولنه جكسكز ، طورغاني صاغ كورمك
ايچون اولسون اولنه جكسكز دكلي ؟

اولون اگه

(بردنبره قرار و برمش بر طورله)

پكي ، فقط بر شرطله .

طورغان

ايسترسه كز بيك شرطله .

اولون اگه

بو آجيبي سنكله پايلاشمق شرطيله .

طورغان

نە كې ؟ آكلایە میورم .

اولون اُكە

سز دە صای نوری آرتق کورمیه جك واونكله أولنیه جككە
آند ایدە جكسك .

طورغان

(تأثرله)

ایدرم ... پکی اویله اولسون . او حالده راضی اولیورسکیز
اونلره مژده کوتورمه مه اذن ویریورسکز دكلی ؟

اولون اُكە

(آغلایه رق)

طورغان... طورغان... آرتق کیت ! ایسته دیککی سوبله

(اولون اُكە اللرینی یوزینه قاپارم)

آغلار . طورغان یواش یواش چیقارکن

چاغان کول

(کندی کندینه)

ایواه ! بتون امیدلرمز سوندی . کیدوب هر شیئی کوچویه
آکلاتمقدن بشقه چاره قالمدی .

پردە اینر

اورمېښې بډه

طاغ اټکنده بر اووا ، نهايتده بر صيرت . چام آغاچلري .
 اوك طرفده طورغانك چاديري ، ابجي کورينور . اوزاقلرده بشقه
 چاديرلر . آرقه طرف اورته سته طوغري اوزرنده آتش ياقق ايچون
 عاقلردن برسد ياپيلمش . هر طرف آيين ايچون ياپراقلرله دوناديلمش .
 اوجاغك ايكي طرفنه درت قارا ، بش آق طوغ ديكييلمش . طورغان
 چاديرك ايچنده بر بندرك اوستنه اوطورمش ، باشي اكمش ، آللري
 تاووشدورمش ، دوشونبور . طيشاروده بر قاچ كشي اوجاغك
 اطرافني دالارله دوناتبورلر . اوك طرفده ده ايكي كشي آشيقي اويناقله ،
 ايكي كشيده بري اوطورمش او بري آياقده اوني سير ايتكله مشغول .
 مصوصقان بر قوجاق دال كتيرير .



صفحہ - ۱

طورغان ، صوصقان ، آوول خلقندن یدی کشتی (دردی
آشیق اوینامقله مشغول)



صوصقان

ایشته سزه بر قوجاق دال دها :

بررسی «م»

یاشا صوصقان .

دیگر بررسی «ن»

آمان صاقین تا کری طاغندن قوپارمیه ایدک . صکره چارپیلوژسک .

صوصقان

اوغلوم . قورقه بورالرخنی بن سندن ای بیلیم .

(الندم کی دالری یر قویه رق)

بز بوندن اون بیل اولده بوراده ینه دمیر بایرامی یاپارکن
بورصاق قویونلری اوتلاتدید . او وقتدنبری بلنی دوغرو لدامیورمه

(بر داله سوسلیه رک او برینه خطاباً)

ها ، شویله اورادن بکا بر ایکی دال دها ویر باقمیم .

آشیق اوینایانلردن بری (۱)

قارت !

او بری (۲)

قارت .

(۱)

قارت .

(۲)

جوق ، بر جوق دها ، بر جوق دها

(۳)

(یا قلاشهرق)

سزده تام آشیق اوینایه جق یری بولدیکز . سزی بورایه
 او یون اوینامغه می کوندردیلر ؟ هایدی قالقک . بزّه بر آز
 یاردیم ایدک . آقشام اولیور . کوچو زرده ایسه شمدی کلیر .

صوصقان

تنبللر هایدی باقیم ، یوقسه شیمدی

(اوینایانلر قالقار کری به طوغری قاچارلر)

(داللی ویره رک)

آلک باقیم ، اوجاغک اطرافنی دها سوسلمک ایستر .
 نه قدر دوناتسهقینه آزدرد . یو بر بایرام دکل ، ایکی بایرام ،

اوج بایرام هم دمیر بایرامی ؛ هم آگه من اولنیور ، هم ده
اودجکین آتہ بینور .

(م)

شورالینیده برآز سوپوروب تمزلیکز .

(و)

(قایالر اوستندن آتلیه رق)

بو نه یالچین یر ، هیچ بزم طرفله بکزه میور .

(صوصقانه)

کون اوغور صوصقان .

صوصقان

او ... کون اوغور ! صباحدن بری نره ده سک یا هو !

(و)

نایلاقدن شیمدی کلیورم . بالقلری بکلیوردم . بزمکیلر
کولدن اوکله یه طوغری دوندیلر . بنده همان یوله چیقدم .
آنجق شیمدی کله بیلدم . برکت ویرسون یوله بزم شانزایه
راست کلدمدہ یولی کوستردی . یوقسه یولی بوله میه جقدم .

صوصقان

(شانزایه)

نہ، سن تودہ ایدک ؟

شانزای

چوچای بنی کوچویہ یوللامشدی .

صوصقان

دیمک کوچوی کوردک ؟

شانزای

اوت . نہ دهشتلی آدام !

صوصقان

مغارہ سنده می ؟

شانزای

اوت .

صوصقان

یولی فصل بولدک ؟

شانزای

صورمه ، قایالر آراسنده بر ساعت طولاشدم . نہایت ایجہ
بر کچی یولنہ راست کلدیم . بنی طوغری مغارہ نک اوکنہ
کوتوردی . کوچونک اورادہ باغلی اولان اق آتی (صابین

بوغرو) بی کورونجه همان اوراسی اولدیغنی آکلادم. نه مبارک
آت. بزم آتله هیچ بکزه میور. بنی کورونجه کیشنه دی
واقدیسنه خبر ویردی.

(و)

قنادلری نصل؟ کوردکی؟

شانزای

خبر. قنادلری یوقدی.

مومنان

او قنادلر آبول هر که کورونمز. کوکه اوچدینی وقت
پیدا اولور. مغاره نك ایچنه کیردکی؟

شانزای

خبر. مغاره یه یاناشیر یاناشمز بنی قورقومدن بر تترمه
آلدی. کوکچو ایچروده یرلره یاتوب قالقیور. آرا صیره طوپراغه
قاپانیوردی. بنی کورونجه همان طیشاری یه چیقدی واوله بر
سسله بکا «نه ایستیورسك اوغل» دیدی که نه سویله جکمی
شاشیردم. دیلم طوتولدی قالدیم. صوکره کوچ حال ایله باباسنك
بوراده بزم او به ده اولدیغنی و کندوسنی بو آقشام یکه بکه دکلرینی
سویلدم. پکی، سن کیت بنده کلیورم دیدی.

صحنه — ۲

طورغان ، صوصقان ، چوچای

چوچای

هایدی چوچقار الکزی چابوق طوتک . کون باطیور .

(صوصقانه)

قاج قوزی صویورسکز ؟

صوصقان

یکرمی ایکی آقام .

چوچای

(و) . خطاباً

بالقلری کتیردکی ؟

(و)

کتیردم آقام . آشچی باشی به ویردم . حاضرلیور .

چوچای

(صوصقانه)

قومیسار اولدیمی ؟

صوصقان

شاپیریورلر آقام .. هپسی حاضر . مراق ایتیک . بو
آقشامکی طوی کبی بر طوی دها آوولمز کورمدی . نه یمکلی
آقوزی ، کول بالنی ، ایرمچیک ، قورود ، یغورت اعلا طای
صوجوغی ، قایماق ، بول قومیس .

چوچای

یتر ، یتر صوصقان دقت ایت یارین ینه خسته اولیه سک .
(طورغانه طوغری کیده رک)
نه یاپیورسک باقالم طورغان ، بویله اوطورمش نه
دوشونیورسک ؟

طورغان

(آباغه قالفه رق)

یلم ! ایچمه بر صیقینی وار . اگه کلدی ؟

چوچای

شیمدی کوردم . بر آز خسته . بکنزی صولوق ویک
دوشونجه لی . زواللی قادین قوجه سنی نه قدر سویورمش .

طورغان

اوت چوق سویور .

چو جای

اَکَه پَک بیوک بر آلم ایچندہ اوللی . هم تحف . بو صباح
 نمازی قیلدقدن صوکره اویقو باصدیردی . چادیرک دیرہ کنہ
 طایانمش طالمشدم . رؤیامده اَکَه بی کوردم . اوبه نک اورتہ سندہ
 بویوک بر آتش . بو آتشک ایچندہ اَکَه اندہ سنک بایراغکله
 دونوب طور ییوردی . آتشک یانندہ یرہ دیکیلی بر طوغ و بو
 طوغک صاپنہده یسوقایک سندہ کی صاواغی آصیلی ایدی . هوادہ
 بلوطلر طویلانمش اورتہلق قرارمشدی . یسوقایک صاواغندن
 کندی کنبدینہ بر اوق فیرلادی و کوکله طوغری بر قوشار
 ییلدیز کی اوچہرق بلوطلرہ صاپلانندی . صوکره کوکدن
 بر یاغمور بوشاندی . آتش سوندی . اَکَه بایراغیلہ قورتولدی .
 او آراق بش رنکلی بر قوش درت کوشہ بر طاش اوستہ
 قوندی . واورادن چینگیز چینگیز دیہہ باغیردی ، طاش یاریلدی
 ایچندن خرما آغاجی قدر بیوک بر مهر چیقدی . مهرک اوزرنده
 ایکی اژدرله بر قابلومبغہ رسمی قازیلش و اطرافنہده تیموچین
 جنکیز خاقان دیہہ یازیلش ایدی . قوشک چینگیز چینگیز دیشی
 حالا قولاقلمده چینلایور .

طورغان

اوت . زواللی اَکَه . زواللی بایراق ایکیمسیدہ آتشلر ایچندہ

برای

(جوچایه)

سنزی تیموچین باشوغ ایستپور .

جوچای

کلیورم .

(طورغانه)

قوزوم اوغولوم سنده شونلره باقیویرده حاضرلنی چابوق
یتیرسونلر . کوکچو شیمدی زرده ایسه کلیر .

(او ائنده قومیسلی کتیررلر . صوصقان ایچندن بر چامچاق
آلهرق طورغانک چادیرینه طوغری کتیروپ تویار)

صوصقان

طورغان بای، بوده سزک پایگز . کندی المله یایدم .

طورغان

یاشا صوصقان صای نوردن نه خبر ؟

صوصقان

اگه اونی یایلاقده براقق ایسته مدی . بورایه قدر کتیردی .
مچادیرده هروقتکی کی حبس . قیوسنی ایکی چری بکلیور .

طورغان

هیچ چیقمیورمی ؟

صوصقان

اكد اونى كيمسه ايله كوروشدير ميور . يالكز خانم
كور ميور . دون آقشام آقامله خانم كوريشورلر كن ايشتدم .
يولده كنديني چايه آتمق ايسته مش ياقالا مشلر .

(بر بونوز بوري چالنور)

بريسى

(قوشوب كلرك قايلرك اوستندن)

آقار ، كوچو كليوز .

صوصقان

آمان بن كيدوب قوزيلره باقهيم .

برقاج كيشى

(اوزاقلره طوغرى باقهرق)

كليور، كليورلر. ايشته . آق آت اوستنده . كوريورميسك ؟
تپه يي دولاشديلر .

صوصقان

(بريسته)

طولا ! هايدى قوش . چوچايه خبر وير .

طورغان

(اوراده اوطورانلره)

مزده آغزيكزي آچش نه طوريسورسكيز ؟ هايدى

باقیم. سزده قوشك چریله خبر ویرك. كوچکونی قارشولاسونلر.
(یان طرفدن اهای صحنه یه کیره رك)

اهالی

کوکجو کلیور . چوجقلر طوپلانك . بورایه بورایه اوجاق
باشنه .

(آرقه ده کی آغاجلر آره سندن سطح مائلدن اهای عسکرلر
واورته ده آق آت یدکنده کوکجو اونك آرقه سنده تیموچین ،
منیلینغ ، بای صونقار ، وسائره کلیرلر . طورغان بایراغنی آله
آلیر اونلره طوغری کیدر. پپسی بردن صحنه یه کیررلر. حیوان
بر طرفده قالیر . اهای دیز اوستنه کلیر .)

صحنه — ۳

کوکجو ، تیموچین ، چوچای ، بای صونقار ، جاموقا ،
قاراتای وسائرلری

کوکجو

(صحنه نك کیروسنده وخلقك اورته سنده طورارق)
کون اوغور اوغوللر بزی بو کونلره یتشدیرن تا کری یه قوطلر.

اهالیدن بری

ائی کوکچومز ، ائی تب تا کریمز ، سندن دیله کلریمز وار.

(۲)

کوجو آرتق نزی سومیور .

اهالیدن (۱)

دوت آیدر یاغمور یاغمیور . حیوانلریمز یشیلاککه حسرت اولدی .

اهالیدن (۲)

هرکون باصقینه اوغرییورز .

اهالیدن (۳)

اوبه مزده صالحین وار . یوردلرمن اکیلیور .

اهالیدن (۲)

نزه اسکی بر کوملکنی ویر . توتسو یاپالم .

بای صونفار

چکیلاک چوجقلر هایدی باقالم . بر آزیول آچیک . کوجو شیمدی یورغوندر . آزیملک ییلم . آیندن صوکره هیکزه اوغورلر ویره چکدر .

جوچای

هایدی یول آچیک ، چکیلاک ، کیدک چایده اللریکزی ،

تیموچین
یا شیمدی منیلینکه نه سویله جگز ؟

اولون اُکه
اونیده چوچایله بای صونغار دوشونسون .

تیموچین

(حدتله)

پك اعلا . بنده آرتق بیقدم . ایشته شیمدی کیدوب
راضی اولمادیغکزی سویله جکم . بوندنصره آوله کله جک
بالری ده سز دوشونکرز .

(تیموچین حدتله جیقار)

طورغان

اُگم نه یاپورسکرز . هیچ دوشونمورمیسکرز ؟ آوولک
سلامتی سزه ، سزك برسوزکزه باغلی . بکلر بزی ترک ایدرسه
نه اوله جغز ؟ خاطر کزده دکلدر . یسوقای اولدیکی وقتده بویله
بزی براقوب کیتمشلردی . نه املی کونلر، نه آجیقلی حیات
کچیردک . تیموچینی نایمان باشوغنک کوله سیمی کورمک ایستور-
سکرز . بوکا یوره ککرز فصل دایانه جق . اُگم سز بویوک
بر خاتونسکرز . آلتنده اجدادمز یاتان بو طوپراقلری دشمنلره
چیکنتمک ایسته مز سکرز . ای دوشونکرز . دها زماندر، صکره
طورغانده صاغ قالیه جقدر .

بر اولوس اولور که بن او کده بایراغمله ، تیموچین او بایراغک
آرقه سنده عسکر لریله پکیندن قفقاسه ، قفقاسدن بغداده قدر
قوشار، جهانی استیلا ایدردک. ایشته اوزمان یساغمز، طوره من
آلتنده دنیادن دشمنی ، قاوغایي قالدیریر، هر طرفی بر جنت ،
هر یوردی او جنتک بر کوشکی یاپاردق .

(اُکه آغلار)

ایشته باقکز اُگه من او فدا کارلغی بزدن صاقینمور .
آغلایور. کوزلزدن او قاتلانیدی آجینک یاشلری دو کولیور .
کیدیکز تیموچین باشبوغ اونلره سویلیکیز، سویلیکیز که اُگه من
راضی اولیور . دکلې اُگه من ؟

اولون اُکه

(آغلایورق)

خیر . بن اولنیه حکم .

تیموچین

آئنه نه سویلیورسک ؟

طورغان

بزه آجیمورمیسک ؟

اولون اُکه

سز بکا آجیورمیسکیز ؟ خیر . خیر دیورم اولنیه حکم .

حقى حياتىكى بىلە آۋولك بىۋەستى ، اولۋىك سىلامتى اىچون
فدا ايتىك . شىمدى نەدن ايركىلىۋىرسىك !

اولون اگە

بىامم . بكا اولمك دىھا قولاي كلىور .

طورغان

اوت باشبوغ . اگەنك حقى وار . چونكە اونك قلىندە
دىھا عشق وار . بابا كىز يسوقانك عشقى وار . سۈەن بىراقىن
اىچون سومدىكى بىر ار كىكلە اولمىك التىدە اولومدىن كۈجدر .
(اگەيە)

فقط سىز بىۋەستىسىز . عشقنىدە بىۋەستىسىز اگە ھەر زمان
بىزم اىچون جانكىزى تەلىكەيە قويدىكىز . بوسفردە بايراغىزىز
اىچون قلىبكىزە حكىم ايدە جىكسىز دىكلى ؟ يوقسە يسوقانك
مىزارى ، دشمن آتلىرىنك آياقلىرى آلتىدە چىكىنەنەجك . بىتون
بىكلرچە بورجىكەنلر بوز قىرلردە سورۈنەجىكلر . خىر اگەم
سىز بىۋەستىسىز ، سىز يسوقانك سىزە بىراقىدىنى آۋولى قورۋىرسىز .
مىغوللر ك قونىغ قامار نىسلىدىن اولان اچىكەيە بىتون آۋوللر بويون
اكر . بو كۈن بو تون بوچۈرەلر خلقى كۈچۈنك امىرى آلتىدەدر .
تىۋچىن كى بىر بەھادر اۋىبىكلرچە آۋوللرە باش اولۇرسە بىلىرمىسىز
نە اولۇر ؟ بىراقچى بىل اىچىندە توركلر مىغوللر بىرلشۈر ، اۋىلە

سن عاڭلەدن دېمكسك سنكە بو خصوصە فكريني آلمق ايسترم .
 يتون او يماق بىكەرلە باي صونغار ، چوچاي طوپلاندق . كون
 طوغديغندن برى ، آوولمىزك سلامتى ايچون قونوشدق . ھېسىدە
 آنامك مىلىنغ اياھ اولمەسنى ايستيور .

اولون اكه

بو ممكن دكل .

تيوچين

(اكهيه)

بواز دوواج اولمىزسە آوولمىزك دشمنە قارشى قويىمى قابل
 اولەمىھ جغنى ، باي صونغار تكميل آراتلىرى آلوب بزدن
 آيرىلا جغنى ، او بر بىكلردە بىزى براقە جقلىرىنى سويلدىلر .

(طورغانە)

آنامك كدرينى البتدە آكلارم فقط نہ چارە باش اولمق
 قولايىمى . ھەر كون بر پوصو ، ھەر كون بر باصقين ، ھەر كون
 اوغورسزلق دوام ايدوب طورىيور . بابامك اولومىندن صكرە
 يوقسولاق ايچندە بوكالدىق . كراتىلر ك قوشونى اولدىق . كوش
 ھەر كون باتار كن بىزە زنكىن ايللر ك يولنى كوسترييور . طوغار كن
 بىزى يىنە اولديغىمىز ىردە بولونجە لغنت ايدىيور .

(اكهيه)

آنە ! بوكا سن راضىمىسك ؟ سن كە ھەر زمان ھرشىكى ،

چاغان کول

آمان صوصکز تیموچین کلیور .

(چاغان کول همان صای نوری آلدن طوته رق زورله
چادیرک او بر طرفنه طوغری سوروکار و دیگر طرفدن
چیقارلر . تیموچین کیرر . چاغان کول و صای نور صنددن
کیتد کدن صکره تیموچین کیرر)

صحنه — ۶

تیموچین ، اولون آگه ، طورغان

تیموچین

(طورغانه)

نه کوزل تصادف ، بنده شیمدی سکا خبر یوللايه جقدم .

(آگه)

آنه !.. یته هیجان ایچنده سک .

چاغان کول

بیلیمور میسکز . منیلینغ اوبه یه کلدی کندنبری کدیری
بستون آرتدی .

تیموچین

نه چاره ! آوولک بیورو قیلغنی اوزرلرینه آلانلر اولنک
زحمتلرینه قاتلانمیدرلر . ایشته شیمدی بنده قورولتایدن کایورم .

دوشونپور ، اونك سويلديكى سوز قولانغه كليوردى . بركون
چاغان گول بكا ، سنى قرده شم آلهجق ، ايسترميسك ؟ ديدى .
شاشيردم . سوينجمدن آغلادم . واو كوندنبرى ، ايسته او
كوندنبرى بيلمديكم بر طويغو ايچنده ياشادم . اونى سودم ،
قوجهم كى سودم . ايسته بوتون قباحتم . ايسته بوتون صوچم .
اگم اونى بكا باغشلايىكر . بكا آجىيكر . اگم اونى بندن
آلمايىكر او بنذر .

اولون اگه

يىقىل بورادن كيت ، او جهنم آغزىكى قاپا . چكىل دىيورم .
طورغان سنك اولميه جق .

صاى نور

اولميه جقمى ؟ بنى سز زهرله دىكر . بوراده برييلان وارسه
اوده سز سكر اگه .

اولون اگه

چكىل دىيورم . يوقسه ...

طورغان

اگم .

(اوئانده چاغان گول تلاشله چاديرك قپوسنه طوغرى كلارك)

صای نوری کرم . بنی سز بیوتدیکز . سزنی نه قدر سودیکمی
 پک ای بیلیرسکز . بنم آنام ، بابام ، یوزدم ، آوولم هپ سزسکز ،
 هپ سزسکز اگهم بکا آجیکز . سزدن بشقه کیمسه سی اولیان
 بر یتیمه آجیکز .

(آغلایه رق)

نه یابدم بن سزه نه یابدم ؟ طورغانی سومکله قباحتمی
 ایشاهدم ؟

(آغلار ، بر آاز سکوت ، یالواردق)

اگهم بن اون سهدر سزدن بشقه کیمسه یی سومزدم .
 طورغانی طانیماز ، عشقک نه اولدیغنی بیلمزدم . اونی بکا سز
 سودیردیکز . بکا هر کون اونک بهادرلکندن اونک یکیتلکندن
 بحث ایتدیکز . قلبمده اوکا قارشی بر صایغی او یاندیردیکز .
 بر صباح ینه بویله بر بهار صباحی ایدی که ییتانمق ایچون چایه
 کیرم شدم . ایللق بر کونش تپهلر اوستدن او وایه طوغری
 سوزولور . قوشلر بر برینی قووالیور . کلبلر چچکلرله
 او پوشیوردی . اورماندن چایه طوغری بر آتلیک کلدیکنی
 کوردیم . تام یانمده حیوانندن ایندی . شارقی سویلیه رک حیوانی
 صولادی ویله سنی اوخشارکن دوندی بنی کوردی . بکا . . .
 کوزدل چوجوق . . . دیدی . حیواننه آتلادی کتدی .
 خاطر کدمی طورغان ؟ اوزمان قلبک اوراغان آلتنده تیرمین
 بر یاپراق کبی چیرپندیغنی طویدم . آرتق هر کون طورغانی

ایرماقلر سنک امرکله قورور . سنک امرکله بوتون دشمنلرک
 قلابی طورور . فقط سنک امرکله اگم صای نورک عشقی سونمز .
 بوتون یاغمورلر طاغلری قاپلاسه ، بوتون کوللر قارالری قوشاتسه
 ینه صای نورک کوکلنده کی او کوچوجوک شعله یی سوندیره مز .
 بن سنکم اگه . او شعله ده تا کرینکدر . بنی اولدیریرسک
 فقط او آتش تا کری یه کیدرکن ینه طورغان دیه فریادایدرد .

اولون اگه

یتر ، یتر آرتق مشوم قیز . آغولی خنچر . سنی اون
 ییلدیز چادیرمه بسلم . ییلانی قوینده بویوتشم .

صای نور

ییلان . ییلان خیر او ییلان بن دکم ... سز ... اگه

طورغان

(آمرانه)

صای نور !

صای نور

طورغان ...

(اگه یه دونه رک آیاقلرینه قاپانیرجه سنه)

اگم صوچی باغشلا ییک . نه سویل دیگمی بیلمیورم . خیر .
 خیر . سزی بن زهیرله مدم . خیر بن ییلان دکم . بن هر زمانکی

صحنه — ۵

اولون اُگه ، طورغان ، صای نور ، چاغان گول

صای نور

(باغیرارق طورغانك یقاسندن طوتوب)

طورغان بنی اولدیر .

(طورغان صای نوری کورونجه اُگه یی ایترو حیرتله

شاشیریر ، اُگه نك اللرندن طوتهرق)

بنی اولدورت اُگه م بنی اولدورت .

(آغلایهرق)

بن بر طوتساق قیزم . بنی سزدن کیسه صورماز . بکا

بو اییاکی اولسون باغشلائیك .

(طورغانه

بنی اولدور طورغان اولدورده صوکره اولهن .

اولون اُگه

چکیل بورادن ، چکیل بورادن دیورم... سکا امرایدیورم

(چاغان گول صای نوری چکمک ایستر)

صای نور

(الیه چاغان گولی ایتهرک اُگه یه)

بوتون طاشلر ، طوپراقلر سنك امرکه یاتار ، بوتون چایلر

فقط آه صوکره ، صوکره کوچوک بر قادین ، اون سکر
 یاشنده بر چوجق او کونشی اورتدی . اونی قراکلقلر ایچنده
 بیراقدی . ایشته آرتق او قراکلغه تحمل ایده مدی ، فریادایتدی .
 آغلادی کوزلرندن چیقان یاشلر سنکله صای نور آراسنده
 کچیلر بر ایرماق اولدی . کونشسز یاشایه میه جغی سویلدی .
 چاغان کولله سکا خبر کوندردی . سندن بر سوز ایستدی .
 بر ایشیق دیلندی .

طورغان

اگم آکلایه میورم . چاغان گول بکا برشی سویلدی .

اولون اگه

اولیه ایسه طورغان کوزلر مه ، کوزلر مه طویلانان
 یاشلره باق .

(ایکی اللرینی قاووشدیرمش اولدینی حالده طورغانه طوغری اوزانه رق)
 بلکه او یاشلرده کندی خیالکی کورورسکده آکلار سک .
 (اواشاده طورغان هیجان وعشقله اگه نیک اللرینی اللری ایچنه آلیر .)

طورغان سنی سویورم .

(دیرکن باشنی طورغانک کوکسنه دایار . طورغان صول تولیله
 اگه یه صاریلیر و بویله جه برمدت طورورلرکن اواشاده صای نور
 چاغان گول اللرندن قورتوله رق ایچرویه قوشار)

طورغان

صای نور سزك اسیر كزسه بنده سزك قولكز دكلی بم .
قول یوردلری یو كسكلره یاراشماز .

اولون آكه

سن بر بكسك طورغان كندیکه افترا ایتمه . آكه سنی
تیموچینك باباستندن یوجه كوزمك ایستر . كوزلریکی قالدیر
طورغان یو كسكلره باق دیورم . سنی تحت اوستنده بکله یین
بر قلب وار . او قلب که شیمدی یه قدر دشمن او قلمی ، نایمان
قلنجلری آلتنه هپ سنی قوزومق ، جنكلزه ، قاوغاره هپ
سنی قورتارمق ایچون کیریور ، سنك حیاتك ایچون تتره یوردی .
او قلب که کونش اطرافنده دون آی کی آردنجه قوشارایشیغكله
یشاردی . او قلب که هر چار پنتیسنده چیقاردینی سس طورغاندی .
یچاره قلب ، حجابندن زنجیرلرینی اللریله طاشیان بر اسیر کی
ییللرجه سوروندی . کیمسه یه برشی سویلیدی . یالکز سنك
كوزلر کدن بشقه کیمسه دن امداد ایسته مدی .

(او ائشاده چاغان کول صای نوری چمك ایستر . طیشاریده هیجان)

اوکا بو زنجیری آز کوردیلر . آز کوردیکز . اوئی بتون
عمرنده ماصال سویلمکدن بشقه ایثی قالمیان بر اختیارله اولندیرمك
قوجامش بر آغاجك قوووغنده حبس ایتك ایستدیکز ، اوکاده
سس چیقارمدی . سزك سلامتیکز ایچون هر شیئه قاتلانیدی .

کې برآق کیمیک صای نور کې آتاسی، آتاسی بللیسز برطوتساق
قیزله اولنه مز .

طورغان

بنده کیمسه سز اولدینی ایچون سویورم آ .

اولون اُکه

قوللرینک طاشیدینی بایراغک روزکاری اوکنده بوکون
بتون خانلقلر تتره یور . سنک قوینکه اولون اُکه نك خالایق
صای نور کیرمز : اولون اُکه اوغلنی ، تیموچین حیاتی سکا
بورجلیدر . بن او بورجی سکا تختمله اوده مک ایستردم . صای
نورله سنک آرا کده کی درین اوچورومی کورمیورمیسک ؟

طورغان

اُگم ، اوت صای نور قاوغاده طوتولمش برأسیر قیزدر .
فقط اونک چهره سنه ، طوروشنه ، کوزلرینه ، طویغوسنه
باقیکز . بر بک قیزی اولدیغنه شبهه ایتمسکز . اون ییلدیر
سزک چادیر کزده ، سزک تربیه کز ، سزک سوزلر کزله بیودی .
اوده سزک بر قیز کزدر . اونکله اولنمک طورغان ایچون بر صوچ
دکل بلکه بیوک بر اوکون دز .

اولون اُکه

طورغان کوزلریکی قالدیر . بر آزیوکسکلره باق . سنک
کې خاقان اوله جق بر بهادرک یوزدی اوله انکینلره قورولمازم .

نه ایستور؟ اوکاده بنم بشقه بر قادینله اولنه جکمی سویلمشله.
 اوده شیمدی آغلیور. آرتق اولمک ایستوردی.
 (صای نور قبو طرفندن کورونور)

اولون آکه

اونی نروده کوردیکیز؟

طورغان

شیمدی بوراده. آه بونی طویونجه نه قدر سهوینه جک
 آگم بیلمزسکز صای نور منزی نه قدر سور. آه منزی
 نه قدر سوهجکیز.

اولون آکه

(بردنبره هیجان وحدتله)

خیر طورغان بو ازدواج اولمیه جقدر.

طورغان

(حیرتله)

آگم؟!

اولون آکه

بورجیکه نلرک بایراقدارى، تیموچینک طونجیسی طورغان

اولون آگه

(صبر سزقله)

دیمك چاغان گول سزه هر شینی سسویلدی .
سزی نه قدر سودیکمی . . .

طورغان

اوت هر شینی سسویلدی . . . فقط بنی سودیککزه ایناندم .
بنی سوش اولیدیکز بيلم بلكه چاغان گول یالان
سسویلدی . اولون آگه ویرمك ایسته میور . « صای نور دها
کنجدر » دیور دیدی .

اولون آگه

(حیرتله)

صای نورمی ؟

(تأثرله)

دیمك چاغان گول دها سویله مه مش .

طورغان

نه اولیورسکز ؟ دیمك یالان دکللی آگه م ؟ سز بویله
برشی سسویلدیکز . دیمك بونلری هپ قارده شم اویوردی .
نه دن بو یلانلر ؟ بيلم که چاغان گول زواللی صای نور

طورغان

قوطلو اگم ؛ بوگون طورغان، شیمدی یه قدر بایراغنك
 اوچنی بیله یره دکدیر مکسزین باشندن یوجه طوتدیغی اگه سنه
 یوره کنده کی کیزی دردلی آچغه کلیور. بلکه بیوک برصوچ
 ایشلیور. فقط اوصوچ نه قدر بیوک اولسه عفو یکزک بیوکلیکنی
 کچه مز. اوت، بلکه طورغان بیلدیکنه امین اولمسه یدی بورایه
 قدر کله مز، اگه سنک چادیرینه کیرمکه جسارت ایده مزدی.
 فقط طورغان بیلیر، بیلیر که اگه سی اونک هیچ بر دیله کنی
 چور میه جک، اونک سوهن کوکلنه آجیه جق...

اولون اگه

(تلاش و هیجانله)

چابوق سویلیکنز طورغان بای نه دیمک ایستیورسکنز ؟

طورغان

نه دیمک ایستدیکنی، اگم بلکه بندن ایی بیلیر. چونکه
 بتون یوره کم، بتون اوزمله اونک اسیری یم. اوندن بر سوز،
 یالکنز بر سوز ایستیورم. اوسوز بکا شیمدی یه قدر رؤیاسنی
 بیله کورمدیکم بر قوطلیق باغشلایه جق. او سوز طورغانك
 قوللرینه بر خاقان بایراغنی طاشیه جق قدر قوت ویره جک.

طورغان

اگه مزی راحتسز ایتدیکه دن طولای صوچی باغشلا ییکز.
سویلیه جکم سوزلر مهم و محرم اولسه یدی اوتاغکزه قدر کلمک
جراتنده بولونمازدم.

اولون اگه

اوسنک هر زمان برحقکزدر.

طورغان

صاغ اولکسز اگه فقط سوزلرم پک کیزلیدر.
(کشیننه باقورق)
اذنکسز اولورسه.

اولون اگه

(کشیننه)

صای نور نروده؟

کشین

دمین طیشاری به چیقدی.

اولون اگه

سندۀ کیت بزی یالکسز براق.

(کشین صولدن کیدر)

سنى قلنجىمدىن ، آتمىدىن چوق سويىورم . طورغان سىنگىدىر .
 ابدىيا سىنگىدىر . اۋنى سىندىن كىمىسە آيىرەمىيە جىقدىر .
 (اۋ ئىنادە تىلاشە كىشىن كىرى)

صحنه — ۴

طورغان ، صاى نور ، كىشىن ، اگە

كىشىن

آمان صاى نور ، اگە كىلىور سنى طورغانلە كورمىسون .
 (صاى نور چىقار) (طورغان بىر طرفە جىكىلىور . اولون اگە كىرىكن)

كىشىن

ايشتە اگەم طورغان باى سىزى بورادە بىكىلىور .

اولون اگە

كون اوغور ! طورغان باى .

طورغان

(احتراملە النى كوكىستە قويوب اكيلىرىك)

قوطلو كونلر ؛ اولون اگەم .

اولون اگە

(ساچلىرىنى دوزەلدەرىك)

بى كورمىك ايشتە مىشكىز . بويور كىز .

طورغان

خير، صای نور. سنی اسکیسندن فضله سوييورم. بكايناك.
 بيلم، بيلم نه دن چاغان گول سكا يالان سويلش. بن اوكا كيت،
 صای نوره سويله، مراق ايتمه سون، اونی یارین کلوب بن آگه دن
 ايسته، جكم. آگه بو قدر يارار لغمه قارشى اونی بكا چوق كورمز
 ديمشدم.

صای نور

خير طورغان. بونلرك هيچ برینی سويلدی. بكا، صای نور
 سن آرتق قارده شمی اونوت اونی سكا ويرميه جكلر هم اوده
 بشقه سيله اولنه جك دیدی. ايشته او وقتدنبری آغلايورم.
 او وقتدنبری ياشامق ايستميورم.

طورغان

خير. خير صای نور خير زوالی اشم سنی آلداتمشلر.
 سكا يالان سويله مشلر. ايشته شيمدی سنی آگه دن بن ايستمك
 ايجون بورايه قدر كلدیم.

صای نور

تا كريم. رؤیای کوریيورم.

طورغان

خير. صای نور رؤیا کورميورسك. بكا ايناك سنی سوييورم

صای نور

طورغان آرتق سنكله اولمیه جك. او سنی سومیور دیدیلر.

طورغان

سویلسه كنه. صای نور سویلسه كنه کیم دیدی؟

صای نور

چاغان گول.

طورغان

آمان یاربی نه آکلاشیلماز ایش. طوغریمی سویلیورسك
صای نور؟ یوقسه بنی دهنه مکمی ایستیورسك؟

صای نور

آند ایدرم.

طورغان

صای نور هیچ برشی آکلایه میورم. چاغان گول سنی قازده شی
کبی سور. نیچون سکا بواضطرابی ویردی، بویالانلری سویلیدی.

صای نور

(سویخلاه)

دیمك یالان طورغان. دیمك بن طوغری دوشونیورمشم
سن بنی آلداتمك.

صحنه — ۳

صای نور ، طورغان

طورغان

(صای نوره طوغری یا تاشه رق)

صای نور . بنم سوکیلی ملکیم . ینه کوزلرک قیزارمش .

صای نور

بن آرتق یاشامق ایسته میورم .

طورغان

اولون آگه دن سنی ایسته مکه کلدیکم ایچونمی ؟

صای نور

ایسته مکه می ؟ دیمک ... طورغان بنی حالا سویورسک .

طورغان

نه وقت سومکدن واز کچدم . صای نور .

صای نور

اویله سویلدیلر .

طورغان

کیم سویلدی ؟

صای نور

اواسه ده نه به یارار . طورغان آرتق بندن واز کچمش
بشقه سیله اولنیورمش .

(اواشاده طورغان قپوده کوربنور . طورغانی بردنبره
کورهن صای نور همان اولدینی یرده طوکار قالیر چادیرک
دیره کنه دیم دیک یا صلانور .)

کشین

نه اولیورسک صای نور ؟

صای نور

او !

کشین

(دونوب کورونجه)

طورغان بای ؟

طورغان

اولون اگهی کورمک ایسترم .

کشین

شیمدی قیز قارده شکیز طیشاری به چیقدی . خبر ویرهیم .
(چیقار)

صحنه ۲ -

صای نور ، کشین (صوکره) طورغان

کشین

صای نور . قاردهشم یچون بو قدر آغلا یورسک ؟

صای نور

کاشکی بتون جانم یاش اولوب کوزلرمدن دو کولسه کیتسه
ایدی . آه کشین بن کونشک ییلدیزلر قدر کوچوله جکسه ،
دنیا نك قرا ککقلرا یچنده قاله جغه اینا یردم فقط طورغانك عشقی
بو قدر آزاله جغنی خیالمدن بیله کچیرمزدم . بن ظن ایدردمکه
کوکده کونش سونسه ، طورغانك کوکله کده کی آتش اونی
یکیدن طوتوشدیرر . اوشیمدی بر مزار قدر صوغومش ، دنیاده
بیلدیکم آنامک ، بیلمدیکم یوردمک ؛ آوولمک ، اولوسمک
سو کیسی هپ او ایدی . بیلیم که آرتق نه ایچون یاشایورم .
اونک یوزینی کورمه دکدنصکره بو کوزلره نه لزوم وار . اونک
قوللری اولمقدنصکره بو وجود نه ایچون یاشاملی .

کشین

تا کری بویو کدر صای نور . البت بر کون اگه راضی اولور .

هیچ کورم دیکزمی؟ قوجه مش دیدیککز بوچه رهی بن ارکته
اولسه بیک تازه دیکشم . کوزلر کزده بیک طورغانی
سور و کلیه جک شمشکله ، باقی شلریک زده کوکله اک ایراق
بو جاقلرینه قدر صاپلانان ییلدیر یملر وار . کورورسکیز .

اولون آکه

.....

(آکه چادیرک قیوسنه طوغری یا قلاشهرقینه باقار)
بوز بالالار ، کنج قیزلر اویناشیورلر . باق تپه سندن دومان
چیقان شو یوردلر نصل یانیق یوره که بکزه یورلر .

چاغان کول

(باقهرق)

نه کوزل بر صباح !

اولون آکه

نه اوزون بهار !

چاغان کول

برآز چیقوب طولاشسه کز . برآز هوا آله کز .

(یواش یواش چیقارلرکن او بر طرفدن صای نور کیرر
آرقه لرندن باقار . کوزلرینی اوغوشدیریرکن کشین کیرر .)

اولون آكه

كىمسه نى دكلى ؟

چاغان كول

بايراغى و آكه سندن باشقه كىمسه نى .

اولون آكه

خير . بن او بايراق كى سويلك ايسته مزدى .

(چاديرك قپوسنه قدر كىدهرك طيشارويه

طوغرى باقار . بر مدت سكوت .)

باق كلكر نصل شو قير چيچكار نى ، بوچىكار نصل شو
صباح كوشلر نى سويورسه بنده اويله سه ويلك ايستردى . بن ،
اولون ، او طوغجى اوله رق دكل ؛ او خاقان ، بن اسيرى اوله رق
ياشامق ايستردى ... بن عشقى بيلمزدى چاغان كول . سنده
بلكه دها بيلمزىك . بوياشدىن صكره عشق آده آجىقلى بردرد .
سه وملك ، سه ويلدىكى ، سه ويله ميه جكنى بيلمك . صوكره ينه
سه وملك . اونك كوزلردن ، باقىشلرندن ديلنجى كى محبت
ديلنمك . طاغلر ، طور اقلر ، قارتاللر كىده مديكى قايالره بيله
بويورمغه آليشمش برا كه ايچون آده نه آجىقلى درد .

چاغان كول

خير . اصل بوندن صوكره ياشايه جقسىز . گوله بوزيكزى

اولون آكه

اويله ايسه ؟ ...

چاغان كول

واز چكدي ايشته او قدر .

اولون آكه

طوغرىمى سويليورسك چاغان كول .

چاغان كول

نه وقت يالانمى طوتديكر ؟

اولون آكه

دېمك او قدر سوميورمش . سويله سويله چاغان كول اونى
او قدر سوميور دكلى ؟ آدبوسوزه نه قدر اينامق ايستيورم بيلسهك .

(اوشانده كمشين كېر . صاى نورك آغلادىغى كورهرك

اونى آلېر ويان طرفدن طيشارى كوتورور)

اوت . اوت چاغان كول . طورغانك صاى نوري سومديكنه

اينامق ايستييورم . سويله بنى قاندير . بنى قورتار . بنى بوقيصقانجلق

آجيسندن اولسون قورتار .

چاغان كول

بوشته تاسالانيورسكيز ديبورم يا آگم . طورغان بايراغندن

باشقه كيمسه بنى سوميور .

اولون اُکه

خير . ذاتا او يوميوردم . كلديكنه پك ابي ايتدك . بن
آرتق اويقونك نه اولديغى اونوتدم .

چاغان كول

اُگم سزه پك يازيق . ينه يوز كزده بر قايقونك درين
آجىلى كورينور .

اولون اُکه

اوت يوزمده كى بوروشقلر كيتدكه درينه شيور دكلى ؟
(اواشناده اُکه او ك طرفه طوغرى كلير . صاى نور چاديرده
قالير . ياصديقلى دوزه لدير . كمشين يان طرفدن چيقار)
آه بوكونلرده سكا نه قدر احتياجم وار بياسهك . طورغانى
كوردمكى ؟

چاغان كول

اوت .

(اواشناده صاى نور قولاق ويرر)

اولون اُکه

نه ديدى ؟

چاغان كول

نه ديه جك ! ... ذاتا ... اوني اولمكه بز زورلايوردق .
اُگه نك حقى وار . صاى نور كى بر طوتساق قيزك بر آق ميككه
اولمىسى توره مزه اويماز . ديدى .

صحنه — ۱

اولون اُگه، صای نور، کشین (صکره) چاغان گول

چاغان گول

(چادیرك قیوسندن باقهرق)

صای نور . صای نور .

صای نور

(آیاقلرینك اوجنه باصهرق پرده نك یانسه قدر کلوبه

پارمغنی آغزینیه کوتوره رك)

صوص . اُگه اویویور .

اولون اُگه

(اویانه رق)

کیمدر او صای نور ؟

صای نور

چاغان گول .

اولون اُگه

(طوغریله رق)

کلسون . کلسون اویومیورم .

چاغان گول

(یافلاشه رق)

باغشلايك اُگه سزی اواندیردم .

ایلمنجی برده

اولون آگهنگ یوردی ایچریینی

صاغ طرفده چادیرك قپوسی یاری یه ندر آچیلیمش ، طیشاریدن
 قیرلر کورونیور. چادیرك اورته سئنده یوقارویه قدر چیقسان بر قالین
 دیرك. اوستنده سلاخلر و قالقانلر آصیلی. چادیر اورته یرندن بر آز
 شیق اولق اوزره بر کلیم ایله بولونمش و حلقه لرله بر ایپ اوستنده
 متحرک. بوله اوکنده بیوجك و چیوبلی بر یشیل صندیق. بوله نك
 ایچنده کی قسمده اوستی خالی ایله اورتولمش اوت مندرلر و کوچك
 یصدیقلر. یرلرده بر چوق خالیر کلیدی کوزل آتیلیمش. چادیرك
 قپوسی یاننده اسکی اورخون یازیسیله بر دری اوزرینه یوقارودن
 آشاغی به طوغری یازیلیمش بر دعا آصیلی. اولون آگه مندرده اوزانمش
 کمشین ایله صای نور سوکلون تویندن یلپازدلرله آگه یی یلپازدایورلر.



جوچای

کوچوده بغدادده کی خلیفه مستهدی بامرامك آدمیدر .
 کوچو بش وقت نمازینی قیلار . صباحلره قدر قرآن کریم
 اوکور بر ولیدر . بتون املی بزم کبی مسلمانلغی دنیا یه یایمق ،
 وبر برینی یه ن انسانلره قلنجلرک کولکه سی آلتنده بر جنت یایمق ،
 اوراده سعادتله یاشاتمقدر . اولون اگه نک منیلینغ ایله اولمسنی
 کوچو ایله بزقرار لاشدیردق . آرتق کوچویه اینانان ، اونی تب
 تا کری صایان نه قادار آووللر وارایسه هپ بزمه برابر اوله جق .
 اولو طاشك ییللرجه اوغراشوب یاپه مدینی تورک اتحادینی
 تیموچین یاپه جق و آ ز زمانده چینلیلردن بز هیونغ تولرک اوچنی
 آله جقدر .

(طورغان یرندن قالفار)

اوندن صکره بو بایراق پکیندن رومایه قدر کیده جک ،
 کولکه سنده تورکلکله مسلمانلغی کوتوره جکدر .

طورغان

شیمدی اکلایورم . او یله ایسه !

(بایراغی آلهرق)

یاشاسون منیلینغ ، یاشاسون کولک بایراق !

پرده اینر

صاووشور . بن کیجه کوندوز اولوسمزك قوتی آرتیرمه
چالیشیورم . البت بوتی باشاره جغم . او بر کره قوتلندی .
اوته سی قولای . هله اگه بر کره اچیکه ایله اولنسین .

طورغان

بابا چوچای، اکر بنی سن مسلمان ایتماش اولسه ایدك سنك
مسلمانلغكدن شبه لیردم . منیلینغ کبی بر بویوجینك آولمز
نه خیری اوله حق ؟

چوچای

اوغلوم اکلایورم که سکا هر شیئی سويلك زمانی کلدی .
(اطرافنده کیسه اولوب اولمادیغنه باقهرق)
فقط سويلیه جکلرم بوراده قالمیدر . منیلینغ اچیکه مسلماندر .

طورغان

نه سويلیورسك ؟

چوچای

هم بنی مسلمان ایدنده اودر .

طورغان

یا اوغلی ؟

سندھ بوغورجی یه سویله، اسیرلری قازیغه باغلاسون بو کیجه
 او بو تماسونلر .

(چیقار)

صحنه — ۱۸

طورغان ، چوچای

چوچای

آه او غلوم بن سکا دها دینگی بللی ایتمه ، زمانی کلدی
 دیمدیمی ؟ نه ایچون آغز کدن قاجیر یسک ؟ بیلمز میسک
 بای صونغار سنی هیچ چکه مز. بتون آووله سنک مسلمانلغی
 یایارسه اییی اولور ؟

طورغان

بابا چوچای. آرتق طیانامیورم. نه کونه قدر بکلیه جکز.
 دها تیموچین مسلمان اولمدیمی ؟

چوچای

خیر او غلم . آوول ذاتا پاموق ایپلکیله باغلی. هر کس
 تیموچینک کنج لکندن قور قیور. برده اونک دین دیکشیدر دیکنی،
 اسلام اولدیفنی او کره تنجه او غور قاجدی دیه هر یورد بر طرفه

بای صونغار

سَنَك ذاتاً بر شِئَه اینانديغَك يوق .

طورغان

بن يالكز برالله برده رسولنه ايمان ايدنلردنم . بن اويله
انساندن طاكرييه ، بويوجيلره ، آفسونجیلره ، جنلره ،
اربابجیلره طاپانلردن دكلم .

(او ائشاده بر بورو . بای صونغار قورقار)

قورقه پريلر دكل .

(باقهراق)

ايشته بر خبرجی .

صوصقان

(بای صونغار)

منيلينكي قارشولامغه كيدن آتيليريولده نايمانلره راستلامش ،
يكرمی طوتساق آلوب كتيرمشلر . منيلينكده دولون دابايي
كچمش يارين ايركندن اوبهيه وارييورمش .

بای صونغار

(چوچايه)

اويله ايسه بن تيموچينه مژده ويرهيم .

(صوصقانه)

هی . بو صادانی کوردجکه یسوقای کوزومک اوکنه کلیور .
اونی بر کون اوزرندن اکسیک ایتزدی .

بای صونغار

طاشیانه اوق ایشله مزمش ، بو او صادق دگلی ؟

چوچای

أوت . او .

طورغان

آقا چوچای سزده بوکا اینانیورمیسکز ؟

بای صونغار

برکون زواللی طورغانی جنلر چاربه جق اما طور بقالم .

طورغان

جنلرک قوتی اولسه ایدی چوقدن چارپاردی .

بای صونغار

ای ساعتده اولسونلر .

طورغان

زواللی صونغار جنلر سنی نه قدر ییلدیرمش . بر داها
اونلره راست کلیرسهک سویله که طورغان اونلره کوروشمک
ایستیور .

سزده جاموقا ايله اوبر ياراليلره بايكيده نصلدرلر ، بكا بر خبر
كتيرك .

(چيقارلر) (چوچاي ، طورغان ، باي صونغار قالير)

صحنه — ١٧

چوچاي ، باي صونغار ، طورغان ، صوصقان

چوچاي

(طورغانه)

سندە شويله بر آاز اوطور ديكلك باقەيم .

(طورغان بايراغنى يره ساپلايه رق صاداغى النده قايايه اوطورور)

طورغان

ايجه يورولدق .

(باي صونغارده ياننه اوطوراراق صاداغى آلوب باقار)

چوچاي

قوجه طورغان سن اولسهك اوجاغمز چوقدن سونمشدى .
يكيت چوجق .

(آرقه سنى اورارهق)

اوغوز خانك صاداغى آنجه سكا ياراشير . هى كيدى كونلر

قوطلو اگه م بن وظیفه می یایدم . بکا او قوتی ، اوجسارتی
ویرن دنیاده هرشیدن ، جانم دن بیله زیاده سودیکم (مای نوردده تلاش)
شو بایراقدر . ارمغانکز بندن زیاده اوکا یاقیشور . یاشاسون
ایلزک بایراغی ! اوکا بوندنبویه آرتق اوق بیله دکه مز . قانمز
او بایراق اوغورینه حلال اولسون !

(او ائنده تیموچین قولنک آغریسنی حس ایدر)

چوچای

(تیموچینه یاقلاشه رق)

باشبوغ قولکزدن قان آقیور .

بای صونغار

ای صاریلامش اولمی .

قاراتای

اذن ویریرسه کز تیموچین باشبوغه بن بر او یغور علاجی
یایهیم . یارده سی تیز قاپانور .

بای صونغار

هایدی باقالم قاراتای بابا یوقسه سنک قاجیلغکدن نه اکلادق .

اولون اکه

(بوغورجی یه وجاموقایه) کیده لم تیموچین !

دوشهرك بر آز ياره لادی. طورغان ايکنجی بر قيلنجله نایمانی
یره دویردی. او برلری ده قاجدیلر .

بای صونغار

آه بو نایمانلر . اونلرمی ، بزعی یامان اولدیغمزی بو ییل
کورورز .

بوغورجی

اوج آلمغه آند اولسون!

بای صونغار ، چوچای ، طورغان

آند اولسون ، باتسونلر .

اولون اکه

طورغان بای. اوغلو مکه حیاتی، بایراغ مکه شاتی قورتاران
سنک کبی بر طوغجی یی تا کری آوولمز باغشلاسون . سنک
بو فدا کارلقلریکه قارشى (بلنده کی صاداغی چیقاروب ویره رهك)
قوجه م یسوقای باغادوردن قالان بو صاداغی سکا ویریورم ،
اوولک سکا، طوغجی یه ارمغانی اولسون. بو صاداق اوغوزخاندن
قاله در. اونى طاشیانه اوق دکمز .

طورغان

(صاداغی آلوب اوپد کدنصوکره)

سکز یاشنده ایکن بر کون آتدن دوشم شده باشم یارلمش
آغلا یورددم. بکاصوص دیدک. سنی بن طوغور مامش اولسه ایدم
یسوقایک اوغلی اولدیغنه شبهه ایدردم. بو یاره اونک یاریسی
بیله دکل. بر قلنج چنتیکی !

چوچای

طوغریسی اگم بو سفر همز باد هوا یاشیورز .

اولون اکه

(تیموچینه)

نصل اولدیده پوصوی سزم دیکز ؟

تیموچین

آودن دوندک. صو باشنده طورغانله بر آز دیکلنیوردک .
بردنبیره بر قاچ نایمانک بزم آت سورولرینی قووالایه رق
کوتوردکلرینی کوردک . همان طورغانله آتلیزمه صیچرا نیجه
آرقه لرندن یتشدک. اورمانک ایچنه کیرنجه بش آلتی نایمان دها
چیقدی. طورغان بر قاچنی حقلادی . بنده ایکیسنی آتدن
دوشورددم. تام اوصیراده بر قیلنجک باشمه طوغری ایندیکنی
کوردم. برده اوقلنجه باشم آره سنه ییلدیرم تیزلکیله بر قلنج
دها یتشدی ونایمانک قلنجنی چلدی. فقط قلنج قولله طوغری

تیموچین

اوفق بر چیزیک .

اولون ا که

آه. آغولی اولمسون. نایمانلر هپ آغولی قلنچ قوللانورلر.

چوچای

مراق ایتیک ا گم بن قولی بوغدم . شیمدی بر علاج
باغلارز . اوچ کونده بر شیمی قالماز .

(عسکرلره طوغری)

هایدی باقهیم چوجقلر هر کس یرلی یرینه. قویونلر کیلسون
بو آقشام ینه طوی وار .

سسلر

یاشاسون اولون ا که . یاشاسون باشبوغ !

(عسکرلر چکیاور . دیکرلری قالور)

اولون ا که

(تیموچینه)

هایدی سنده یاوروم. چادیره کیتسه کده یارا که چوچای
علاج باغلاسه !

تیموچین

آننه، اما تلاش ایدیورسک! صانکه بو برنجی یارم اولسه!
ییلیم که سکا بو یاقینلرده نه اولدی؟ خاطر کده میدر؟ ده بن

صای نور

(چاغان کوله سویخله)

طورغانه برشی اولمامش. آدطورغانم، بایراغی قدر کوزل

طورغانم !

سسلر

یاشاسون تیموچین . یاشاسون طوغچی !

(اوکده طورغان النده کؤک بایراق آرقه دنده تیموچین ،

چوچای ، بای صونغار ، قارا تای و عسکرلر کیررلر)

صحنه — ۱۶

چاغان کول ، جاموقا ، صای نور ، اولون اکه ، طورغان ،
تیموچین ، بوغورجی ، چوچای ، قارا تای و سائر

طورغان

(ایلله غلبه لکی آچهرق کؤک بایراغی قالدیروب کیروده کی

تیموچینه طوغری باقهرق)

صاوولک، بایراق کلیور !

اولون اکه

(تیموچینک بویننه صاریلهرق)

اوغلوم . . . یاره کمی وار ؟

صای نور

(سونجانه)

قور تولدیلر .

جاموقا

اوله اوله جق .

(صوصقان قوشوب کلرک)

صوصقان

آقا . مژده تیموچین کلیور . باصقینی صاووشدیر مشلر .

اولون اکه

اونه ؟ تیموچینک قولى صاریلی .

جاموقا

کوملکی اولسون ؟

اولون اکه

(هیجانله)

خیر . باق آتندن ده اینه میور . اوغلوم اورولمش .

چاغان کول

تلاش ایتیک اگم . هر حالده تهلهکلی بر شی دکل .
شیمدی آکلارز . ایشته کلیورلر .

قوش جاموقا اونلری قورتار. پوصویه دوشمشلر. طورغانی.
 اولدیرمه سونلر (چاغان کوله)
 چاغان گول . بیتدک. آه ، طورغان !
 (اولون ا که و معیتی کیرلر)

اولون ا که
 (زرهللی اوله رق یورو یوب ایلویه طوغری باقار) (بر قوماندانه)
 قارا اوللر اوبه یی قوشاتسون . نایمانلر بوراسی بوشالقدن.
 صوکره یوردلری باصمه سونلر. آق صقاللر چریلریله صو باشنه
 اینسونلر . چابوق تیموچینه یتیشسونلر !
 (بورو سسلی)

صای نور
 آمان یاربی ! اونه ؟ نایمانلر کلیورلر !
 (اولون ا که و جاموقا ایلرو طوغری باقهرق)

جاموقا
 خیر.... کلنلر بزمکیلر.... کولک بایراغی کورمیورمیدسک؟

چاغان کول
 ایشته طورغان !

اولون ا که

راوت تا کندیبی !

راحت یوق والسلاام ! یره باتسون بویله یاشایش !

(یان طرفدن صوصقانه)

حيوانك اولك آياقلىرىنه بر قوغا صو دو كده اوغورلا !

جاموقا

ایشته اولون اُگه دکلې او ؟ تا کنديسی زرهلرینی کیمش
اوده کیده جک غالباً. نه قادین !

چاغان گول

ارکک قدر جسور .

(او اشناده باغریشمه لر)

سسلر

باتسون نایمانلر . یاشاسون اولون اُگه !

(صای نور قوشه رق کیرر)

صحنه — ۱۵

چاغان گول ، جاموقا ، صای نور ، (صوکره) اولون اُگه
عسکرلر و صوصقان

صای نور

(جاموقایه)

جاموقا !

(چادیره قوشار) (صوصقان النده اکر ، تلاشله کیره رک)

صوصقان

آقام باصقین وارمش حیوانلری کتیردم . بوا کر می
یوقسه سیوری بی می ؟

جاموقا

بشقه برشی اولسه آراسه لر بولنمزسک . صاواش اولدی می
صوصقان حاضر ؛ چونکه چاپول وار .

چاغان کول

(طولغه بی ، زرهی ، صاواغی کتیره رک)

ایشته آل . کییک باقهیم !

(کیدیره رک)

ها شویله !

جاموقا

(صوصقانه)

سنده او بر اگری اور ! حاضر ایت هایدی باقهیم .

(صوصقان کیدرکن)

قولانلری صیق . اوزنکیلر کوشک اولمسون .

(کینه رک)

یتیشدی . فقط بو نایمانلرک بر اویونی ایش اوئلر قاجدیلر .
 تیموچین حیوانی سوردی . تپه نك آرقه سندن بر قاج یوزنایمان .
 چیقویردیلر . تیموچینک یاننده طورغانله بن برده سکز اون
 آتلی واردی . بن همان قوشدم . بز مکیلره خبر ویردم . اکیکیوز
 آتلی چیقدی . سزده آگه یه سویلیکیز . بنده اوئلره یتیشهیم .
 (سرعته چیقار)

صحنه — ۱۴

جاموقا ، چاغان کول (صوکره) صوصقان

چاغان کول

هایدی جاموقا . نه طورییورسک ؟ زرهکی طولغه کی
 کیسه کته !

جاموقا

باشقه ایشم یوقده !

چاغان کول

نه سویلیورسک ؟ سن ارکک دکلیسک ؟ هم طورغان
 تهلکده . قارده شتم تولورسه بتون امیدلرمز بوشه چیقه جق .
 هایدی جاموقا . ده طورییورسک !
 (ایاغکی اورارق)

صحنه ۱۳

جاموقا ، چاغان گول ، بوغورجی

بوغورجی

اولون اگه نرهده ؟

چاغان گول

شیمدی بوراده ایدی . اوتاغه کیتدی . خیر اوله نه وار ؟

جاموقا

نه اولیورز ؟

بوغورجی

تیوچین نایمانلرک پوصوسنه دوشدی . آتلیلر یتیشمکه
کیدییورلر .

جاموقا

تیوچین صو باشنده دکلیدی ؟ نصل اولدی ؟

بوغورجی

اوت . شیمدی صو باشنده اوطوریوردی . چوچایهده
خبر کوندرمشدی . او آراق بر قاچ نایمانک بزم یایلاقده کی
آتلی سوروب کوتوردکلرینی کورونجه همان آرقه لرندن

چاغان کول

سن شیمدی صوص. هایدی. آغزیکي قاپا. دیلکی طوت.
کیمسه یه بر سوز قاجیرمه. بن هر شیئی یولنه قویاجم.

(باغریشمه لر)

اونه ؟ نه اولیورز ؟

جاموقا

(ایلرویه طوغری باقاراق)

بیلم ! آتلیلر حاضرلانیورلر !

چاغان کول

باصقینمی وار ؟

جاموقا

بیلم اووایه قوشیورلر. طور باقالم.
بوغورجی بو طرفه کلیور. شیمدی آکلارز.

(بوغورجی یه سسلنه رک)

بوغورجی . بوغورجی . نه اولیورز ؟

(بوغورجی صولویه صولویه کیرر)

بردنبه شاشیدی . کندی غائب ایدی و بکا بتون دردی
سویلدی .

جاموقا

طورغان ده اونی سویورمی ایمش ؟

چاغان کول

خیر . طورغانك ده هیچ بر شیدن خبری یوق .

جاموقا

یا صای نور ؟

چاغان کول

اوده بر شی بیلیمور .

جاموقا

او حالده ؟

چاغان کول

او حالده اُگه اُچیکه ایله دکل قارده شمله اولنه جك .
سنده آرتق بلکه خان اوله جقسك .

جاموقا

آه چاغان کل ! او کونلری کوره جکمی یز ؟

جاموقا

ايدرم.

چاغان كول

باشم اوزرينه !

جاموقا

اوت باشك اوزرينه !

چاغان كول

خير، سنكى اوزرينده !

جاموقا

بشم باشم اوزرينده !

چاغان كول

(جاموقايه ياقلاشهرق)

اُگه قرده شمی سویور .

جاموقا

طورغانی ؟

چاغان كول

اوت، هم چیلدیره سییه ! بن صای نوری قرده شمه ایسته نیجه

چاغان کول

ا گه اچیکه ایله اولنمور .

جاموقا

کیم سویلیدی ؟

چاغان کول

نه که لازم ؛ اولنمور ایشه او قدر ! اوتنه سنی سورمه !

جاموقا

دیمک بندن صاقلی ؟

چاغان کول

اوت صاقلی

جاموقا

او حالده بنی سومیورسک .

چاغان کول

سویلیه . نافله سورمه . اولنیه جک ایشه او قدر .

جاموقا

بنی مراقده براقیورسک .

چاغان کول

کیمسه یه سویله میه جک نه یمین ایت .

جاموقا

خیرمی ؟ نصل ؟ صای نوری قارده شگه ویرمیورمی !

چاغان کول

ویرمیور .

جاموقا

سبب ؟

چاغان کول

کنجدر دیور .

جاموقا

اوت، اولمک ایچون کندسی کبی اوتوز آلتی یاشنه کلی .
بن دیورمیا ! آرتق بو کونلرده ا گه عقلنی قاقیریور .

چاغان کول

خیر. ا گه پک ایی دوشونیور. صای نور دها کنجدر .
هم سکا بیوک بر مرده !

جاموقا

خیر اوله

خیر طوره جق حالم یوق . . . یوره کم چار پیور
یورده کیده جکم اوراده ایچرم .
(برلکده چیقار لرکن)

چاغان کول
أوت بر آز راحت ایدیک-ز . بن هر شیئی یولنه قویارم .
اولون أ که
بنم سوکیلی چاغان گولم .
(ایکسیده چیقار لر)

صحنه — ۱۲

جاموقا (صوکره) چاغان گول

(جاموقا کیرر چادیره طوغری کیدر باقار و چادیره کیرر .
بر آز صوکره چیقار ایلرویه طوغری باقارکن چاغان کول کلیر .)

جاموقا

ای . سویله باقالم ! ایش اولدی بیتدی یا ؟

چاغان کول

خیر

اولون اُکه

تیموچینی اونوتیورسک . اونک کبرینی دوشونمیورسک .
یا چوچای ! یا بای صونغار ! آه خیر بن اولمی یم . بن آرتق
یا شاماملی یم ...

چاغان کول

یا کلش دوشونیورسکز . اُگم قارده شمله اولنمه کز
دوشوندیگکز قدر کوچ بر شی دکل او آولده هرکسک
کوکلی قازانمش بر ییکتدر . بن بونی اوپله کوچ بر شی
کورمیورم . تیموچین دها چوجوقدر . اونی قاندرمق پک
قولای .

اولون اُکه

یا صای نور ؟

چاغان کول

اونیده بکا بیراقیکز . هم باقکز اُگم ! رنککز صاپ
صاری . کندیکزه برآز آجیک . طورکز سزه برآز نانه
یا براغی صونی کتیریم .

(کیتمک ایستر)

اولون اُکه

(طوتاراق)

كاشكه كاشكه يسوقايك يرينه بن اوليدم . نه قارابختلى ايمشم ؟
زواللى صاى نور ! بيجاره قيز اوده بنم كې خاير
اوبدبخت دكل . اوسه ويليور ، اوسه ويلديكنى بيليور . بن آه بن !

چاغان كول

بنى عفو ايدىكز اگم سزى تاسالانديردم .

اولون اكه

خير بنى قورتاردك . بكا اولمك اچون جسارت ويردك .

چاغان كول

او نه سوز ! اگم . تا كرى اسير كه سون ! او غوريكزه
يوز طورغان ، بيك صاى نور فدا اولسون . قاردهشم صاى نورى
ايستديسه او كا عاشق دكل آ... اوبياراغنى ، اولوسنى ، اگمىنى
هر شيدن ، حتى كندندن بيله زياده سوهن بر ييكيتدر . سزك
اونى سوديككزى بيلسه ايدى .

اولون اكه

بيلسه ايدى ؟

چاغان كول

امينم سزى صاى نور دن چوق سوردى . بو اونك اچون
نه بيوك موط !

چاغان کول

نه سویلیورسکز ؟

اولون اکه

ایشته بو کونه قدر هیچ کیمسه یه بللی ایتمکسزین صاقلادیغ
 بو دردیمی آرتق سکا سویلیورم . یوره کده اودردی صاقلای-
 یه حق قوت قالدی . اوت طورغانی سویورم . هم اوچ آیدن
 بری دکل، اوچ سنه دنبری سویورم . بیلیرسک که قوجه م
 یسوقای اولدیکی وقت هر کس بزى براقدی . درت چوره مزى
 صاران دشمنلره قارشو طورغان قیزارمش بر دمیر پارچه سی
 کبی قغیلجملر صاچدی، طوغنی قورتاردی . اونى اولابراوغل
 صکره بر قاردهش دها صکرده بیلیم بیلیم نه کبی، قوجه م
 کبی سودم . صکره لری بو سومکدن ایچمه قورقو کلدی .
 اونى اونوتمق، اوندن اوزاقلاشمق، اونى کورمه مک ایستدم .
 او هر کون فدا کارلنی، تیموچینی بر قاج کره لر اولومدن
 قورتارمسیله بنی، عشقمی بستیون آله ولدی . یاشمز آراسنده کی
 فرقی، تیموچینک طوغجیسنه بابا دییه جکینی دوشونه رک کندیمی
 بو نهایتسز اوچورومدن قورتارمق ایستدم . هیهات بزدن
 آیریلان بیکلرجه آول خلقنی بر بویروقله طوپلایان اگه نك
 آرتق کوکلنه سوزی کچمیوردی .

ایشته دردم . ایشته سنک اکلایه مدینک کوز یاشلرم .

صحنه — ۱۱

چاغان گول، اُگه

چاغان گول

نه اولديكز؟ اُگه م نچون بو قدر صيقيليورسكز؟ جانكز م
هيچ آجيميورميسكز؟ باقكز كوندن كونه ارييورسكز!
يوز كزده رنك قالمدي. سز بزم اك بيوكمزسكز. ايستر
اولنير ايستر اولنمزسكز هپسي سزك الكزده.

اولون اُگه

خير چاغان گول هله آرتق هيچ بر شي بنم المده
دكل. بن محو اولدم.

چاغان گول

آ كلایه ميورم ... نه دن؟

اولون اُگه

آ كلایه مزسك چاغان گول آ كلایه مزسك! چونكه
بيلميورسك. بيلميورسك كه اُگه نكده صای نوركي بر كوئلي،
صای نوركي بر سوديكي وار. بنده، بنده چاغان گول سنك
قارده شگي سوييورم.

اولون اُ که

(تأثرله)

خیر ! صای نور دها اون سکز یاشنده نصل اولنیر .
خیر ، خیر ...

(صای نور وچاغان کول شاشیر لرلر . کمشین دیکار ، او ائنده
اُ که یه بر فنالق کلهوک بر طرفه طایانیر)

چاغان کول

نه اولیورسکز ؟

اولون اُ که

ه . . . ی . . . چ . . . شی . . . بر آز باشم دوندی ده !

(کندینی طویلا یه رق)

یونلره سویله ده بزی یالکز براقسونلر .

چاغان کول

(صای نوره یاقلاشه رق کیزلیجه)

کمشین آلدی کوتور .

(صای نور مایوس بر حالده کمشینله برابر چیقارلر)

چاغان کول

أوت . ايشته بو كونده سزدن ايسته مك اوزره بنى سزه
يوللادی . ظن ايدر مکه صای نوره قارده شمدن ايني قوجه
بوله مزسکز .

اولون اُ که

صای نوره می ؟

چاغان کول

هم ايکيسیده بر برلريني اوقدر سويور لر که ! هله صای نور
اوج آيدر بکا دردیني آ کلاته آ کلاته بنده ده یکیدن جاموقاي
سومک طویغولری اویاندی .

اولون اُ که

اوج آیدرمی ؟ بکا نیچون بر شی سويلدکيا ؟

چاغان کول

او زمان قارده شم دها اولمکه بر قرار ویره مامشدی .
آرتق دمیر بایرامنده اونلر کده دو کونلریني یاپارز دکلی ؟ قوطلو
اُ گم .

(صای نوره) هایدی باقیم صای نور سن ده اُ گنک ألنی اوپ .

(صای نور اوتانه رف کلوب اُ گنک ألنی اوپمک ایستر ، اُ که

متبیج بر حالده رد ايدر)

دکل ایدی . بنی چوچایه قارشی قوروین منیلینغله اولنمه
راضی اولمیان یالکیز او ایدی . شیمدی کوریورم اوده
دکیشمش .

چاغان کول

(صای نوره باقارق)

اوت ، دکیشدی چونکه

(صای نور اوتانیر)

اولون اکه

(مراقله)

چونکه نه وار ؟

چاغان کول

سویور .

اولون اکه

سویورمی ؟ کیمی ؟

چاغان کول

صای نوری !

(صای نور کیری به طوغری چکیلور)

اولون اکه

صای نوریمی ؟ طورغانی ؟

قابل دکل . بن اولمیه جک اولورسم آوولک طاعیله جغنی
سویلیورلر .

چاغان کول

سزده اینانیورسکزر .

اولون آکه

دوشونیورم . سوزلرینی براز طوغری بولیورم . تیموچین
دها اون التی یاشنده بر طوی . اودجیکین بش یاشنده بر
چوجق . اردو ، اوجاق بونلره بل باغلایه میور . اطرافز هپ
دشمن . درت چوره مزده کیلر بایراغمزک اورتهدن قالمسینی
درت کوزله بکلیور . فقط آه ییلمم اولنمک اچیکه
ایله اوقورقونج اختیارله اولنمک بکا پت کوچ
کلیور .

چاغان کول

قاردهشم طورغان صاغ ایکن قورقاییکز اوبایراغه دشمن
آلی سوروله مز .

(طورغانک اسمنی ایشیدینجه صای نور یاقلاشیر)

اولون آکه

اوت قاردهشک اولمسه ایدی شیمدی یه قدر تیموچین صاغ

اولون اَکه

بوشنه می ؟

چاغان کول

اوت بوشنه هم پک بوشنه .

اولون اَکه

اویله ایسه خبرک یوق .

چاغان کول

نه دن ؟

اولون اَکه

هرشی بیتدی . منیلینغ کلیور .

(صای نورله کمشین بر طرفه چکیلیرلر)

چاغان کول

آوولمزک اک بیوکی سزسکیز . سزک ایستمدیکیز برشیئی
سزیه زورله کیم یاپدیره بیلور ؟

اولون اَکه

اوغلمک ، چوچایک ، بای صونغارک اصرارلرینه طایانمق

صحنه — ۱۰

چاغان گول ، صای نور ، اولون اُکه

صای نور

ایشته اُگده کلیور .

(اُکه اوکده . آرقه سنده کشین ، قولنده اُکه نك کورکی
اولدینی حالده کلیرلر)

اولون اُکه

(آغیر آغیر ایلرولیه رک)

بنی آرتق اونوتدك چاغان گول . صباحدن بری هیچ
کورونمك ؟

چاغان گول

برآز کلیم طوقودم . شیمدیده یورده دوزنلك ویرد کدن
صوکره همهن سزه کله جکدم .

اولون اُکه

آه بوکونلرده سکا نه قدر اختیاجم وار بیلسهك چاغان گول .

چاغان گول

کندیکزی بوشنه اوزیورسکیز اُگم .

آرتق بىندە بو چارپىنتىدىن قورتۇلەيم . شىمدى سويلە جىكسك .
دەلى ؟

(جاموقاي كۈرەرك)

سۈچى باغشلا آغاچىم . سىزى كۈردەمدىم .

جاموقا

سارىل قىزىم سارىل . ايسىرسەك بىركرە دەھا سارىل .
اركك دىكلىككە قىسقانىم .

(ساي نۈرە ياقلاشەرق)

اۋ سويلەنەجك شى نە ايمىش باقىم . كوچۇك حاشارى ؟

چاغان كۈل

جانم سىندە بىلىمۈر كېي چۈجىنى نە اۋزىيۈرسك ؟ هايدى .
چابۇق . سىن چكىل بورادىن كىتدە اۋگە ايلە يالكنىز قالالم .

جاموقا

(كۈلەرك)

هايدى باقمە ايشكىزى تاكرى راست كىتىرسون !

(جاموقا چىقار)

جاموقا

اولون اُگه سنی سور . سنک سوزیگی دیکلر . قانديرملى .
بو اولنمه دن واز کچيرمليک .

چاغان کول

بنم طويدیغم ؛ بوکا تیموچین راضی دکلش .
اوت تیموچین ایسته مه مش . حتی بر قاج آی کوکچو ایله
دارغین بیله دورمشلر . فقط اوچوچای آه اوچوچانی کوریور-
میسک ؛ تیموچینک بر قاج دفعه نایمان باصقینه اوغرامسنى ،
بر ایکی دفعه آتدن دوشمه سنى هپ کوکچو ایله طارغینلغک
اوغورسز قلرینه یورمش . اونیده اُگه ییده قانديرمشلر .

(صای نور تلاشله کلور)

صحنه — ۹

جاموقا ، چاغان کول ، صای نور

صای نور

(چاغان کولک بویننه صاریله رق)

آه چاغان گولجکم ! بنم سوکیلی چاغان گولجکم ! ایشته
شیمدی اُگه سنک چادیره کلیور . سویلیه جکسک دکلی ؟

چاغان گول

کلیورسه

جاموقا

کلیورسه سی وارمی ؟ دو کون اوله جق .

چاغان گول

اولورسه اولور نه یاپالم ؟

جاماقو

اولورسه نه اولور بیلورمیسک چاغان گول ؟ کوچونک
نفوذی ، قوتی ؟ تیموچینک جسارتی ، شدتی برلشیرسه آرتق
جویراتلرک ، کرایتلرک اورته ده آدی بیله قالماساز . طوغرا -
اول اختیارددر . اوندن صوکره بلکه خانلغی بن آیردم .
تیموچین بیورسه بتون دیلکلمز بیته جکدر . تیموچین دها
بو یاشده اورتالغه بر آفت اولدی . آووجلری قانلی دوغان
برچوجق دنیا به خاقان اولورسه بیلیرمیسک نه اولور ؟ دره لرده
صویرینه قان ، دامارلرده قان یرینه کین آقار چاغان گول !

چاغان گول

چاره سی ؟

جاموقا

كوچك صندوغك كوزنده جانم

(جاموقا يورده دوغرو كيدركن)

باي صونغار

(قارا تايه)

بزه بوراده اوطوردق قالدق. كلده سكاتيموچينك آتلىنى

كوستريم .

(ايكيىسى ده چيقارلر)

صحنه ۸

جاموقا ، چاغان كول

جاموقا

قوزوم ! بنى بوكون راحت براق ! بوتون جنلرم باشمده !

چاغان كول

(بر كوچك طور به نك ايچنده بر شيلر آرايه رق)

ينه نه اولدك ؟

جاموقا

منينغ كليور .

یویوک اوله جق . اكهك كوچوك اوغلی اودجیكینكده آته
ایلك بینمه آلائی اوكون یاپیله جق .

قارا تایی

نه موطلو ، نه موطلو !

بای صونغار

اوت . نه موطلو ! اگه من كوچونك باباسیله اولتنجه
بتون اونی صایان اووللر بزمه برلشه جك ، بزه اویماق اوله جق ،
آلناخانه متمز قالمیه جق . بایراغمز درت چوره یه صالاجق .
تیموچینده خان ، بلکه خاقان اوله جق اوکنده دنیا دیزچو كه جك .

جاموقا

کیم بیلیر . قاچ بیکیمز بو اوغورده اوله جك .

بای صونغار

اوله جك یا ! انسان نه ایچون طوغار ؟

(چاغان کول چادیرك قیوسندن بر طوربه ایله کورونور)

صحنه ۷

بای صونغار ، جاموقا ، قاراتایی ، چاغان کول

چاغان کول

جاموقا . جاموقا ! ایلکی زرهیه قویدك ؟ دمندنبری آریورم .

باشم دوندی بوله مدم .

قاراتای

بو طوغریمی ؟ دون بنده بویله بر سوز ایشیتدم اما
اینانه مامشدم .

بای صونغار

اینانیه جق نه وار ؟

جاموقا

اینانیلمز آ ! بری کوك آدمی ، او بری یر قادینی !

بای صونغار

یاسوقای کبی تا کری ایشیقندن طوغمش اولان بورجیکه نلره
منسوب بر باغادورک قاریسی البتده کوچونک باباسندن اشاغی
دکلدر .

قاراتای

دیمک ؟ . . .

بای صونغار

دو کونلری دمیر بایرامنده اوله جق . برقاج هفته صوکره
بوغدو اولاده چاغان طولغوی تپه سنه کیدیله جک . اوراده
کوچونک مغاردسی یاننده طوپلانیله جق . هم بو بایرام پک

صحنه ۶ -

جاموقا ، بای صونغار ، قاراتای

قاراتای

دیمک منیلینغی یارین کوره جکز . آه نه موظلو ! اون
آلتی ییلی صوکره . کیم بیلیر نه قدر قوجامشدر .

بای صونغار

قوجامشمی ؟ بندن داها تازه . هم او قدر تازه که

جاموقا

(استهزا ایله)

یاقینده اولنیور .

بای صونغار

اولنه بیلیر آ ! نه لازمکلیر ! قرق سکز یاشنده بر تورک
قوجامشمی صاییلور ؟ اولون اگده تازه دکل آ !

قاراتای

اولون اگه ایله می ؟

بای صونغار

اوت .

چوچای

(قالفه رق)

یاننده کیم وار ؟

بوغورجی

طورغان بایله بر قاج عسکر .

چوچای

منیلینگ اچیکه دن بر خبر یوقی ؟

بوغورجی

دولون دابایی کچمشلر . اوکدن بر آتلی چیقارمشلر ،
شیمدی تیموچینه خبر کتیردی . یارین بوراده ایمشلر .

قاراتای

(چوچایه حیرتله)

منیلینگ بورایه می کلیور ؟

چوچای

اوت ، تاگری یه اصهارلادق چوجقلر . سز بوراده قالك
بزده تیموچینه شیمدی کلیرز .

(بوغورجی ایله برابر چیقارلر)

چوچای

تاسا ایتمه بزینه باریشیرز . (جاموقیه)

اوپله دگلی جاموقا بزینه باریشیرز دییورم .

بز اونکله دها نه غاوغالره کیده جکز ! طور بقالم دها
تیوچینی خاقان کورونجهیه قدر نه قلنجلر صاللایه جغز ! دگلی
جاموقا ؟

جاموقا

(اوزاقلره دوغرو باقارق)

یاسا اول بوغورجی کلیور .

صحنه ۵

جاموقا - بای صونغار - چوچای - قارا تای - صکره بوغورجی

بوغورجی

(صولویه صولویه کیروب الی کوکسنه قویهرق باش اتمک
صورتیه سلام ویرد کدنصوکره)

آقام چوچای . تیوچین باشوغ آودن دوندی . صو
باشنده شیمدی سزی بکلیور .

چوچای

بن جاموقایه قلنجسز دینک تورکلرله کچینه میه جگنی بردرلو
آکلاده میورم .

جاموقا

بنده سزه دنیا ده راحتی طاتدیره میه جغم والسلام! تا کری
سزی کوچوکزدن آیرمسون!

بای صونغار

سنیده سوکیلی بودا گدن.

جاموقا

(صوصقانه حدتله)

تنبلی بنه اوراده اوطوردك قالدك. آقشام اولیور. حیوانلری
کوستکله دکمی؟ سوریلر طویلاندیمی؟

صوصقان

شیمدی آقام شیمدی! (چیقار)

بای صونغار

(چوچایه)

جاموقای قیزدیردك. حرصنی صوصقاندن آلیور.

جاموقا

ذاتاً ایشیمز کوجمز هر کسك كونشی قاپامق

بای صونغار

طوغریسی جاموقا کبی جویراتلرک بر آق کیکندن بویله
سوزلر ایشیتدیکمه اوزولورم . جاموقا اولدن بویله دکلدی .
بودا دیننه کیردی کیره لی ده کیشدی . یکیلکنی غائب ایتدی .
قیلیچی غوغایی سومز اولدی . دشمنه کینی قالمادی . ییسون ،
ایچسون ، اویوسون ، کولده بالق طوتسون ، طاغده یمش
طوپلاسون !

چوچای

کرایت اویغورلری کبی !

جاموقا

اونلری بکنمیورمیسک؟ کاشکه اونلرک یاریسی قدر راحتمز
اولسه !

بای صونغار

اوله بر یناغکه اورانه او بر یاناغکی اوزاتمقله قازانیلان
راحتدن تورکلری تاگری اسیرکهسون .

بای صونغار

آله جنى او غوره دكمزى !

قارا تاي

دكمسه بويور غونلغه قاتلانيرمى ايدم ؟

چوچاي

(جاموقايه)

كورسيورسك يا جاموقا ! بزم كوچكونك اوڭى نه ايراق
ايللره وارمش .

بای صونغار

يارينده اورالره آتلمز واره جق .

جاموقا

اونلر صالانغانك صويندن بك خشنود درلر . صود كيشدير مك
ايستمزلر .

چوچاي

تا كرى بزي بوز قيرلره بكجيك ايتك ايچونمى ياراتدى ؟
البتده بايراغمزى درت چوره يه صالاجغز ، هر كسى اونك
كولكه سى آله آلاجغز .

قارا تاي

طاشكندده، كاشغرده بيله اونی بيلمیان، اسمنی ایشیتیمیان
یوقدر . كوجونك اك صفوق هوالرده باشی آچیق یالین آیاق
تك كوملكه قارلر، قایالر، كوللر، ایرماقلر اوستنده كزدیكنی،
بوغدو اولادن آق آتیه بینوب طاغه چیقهرق تا كری ایله
كوروشدیكنی بكا كچن ییل ایصیغ كوله براویغور سولمشدی.
(جاموقا دونر كلیر)

چوچای

(قارا تایه)

سن بوراده ایکن كوجو داها پك كوجك ایدی .

قارا تاي

آلتییدی یاشلرنده برچوجق . خاطر كده میدر دها اوزمان
قارا كلقده اللرندن آتش چیقدیغنی بابایی اچیکه آكلاتیردی .

بای صونغار

شیمدی بوتون دنیا اونك اوغورینی آلمق ایچون اك
ایراقلردن كلیور .

جاموقا

قارا تاي بابا کی .

قارا تاي

قاج اوغل براقدي ؟

چوچاي

بش . اك بويوكى تيموچين اون اوچ ياشنده . اك كوچوكى
اودجكين ده بش ياشنده ايدى . آوول بويله بر كنج باشوغك
بويورونى آلتنده ياشامقن قورقدى ، طاغيلدى . تيموچينه
بزاوچيوز يورد قالدق . صاغ اولسون اولون اگه . قوجه سنك
آته بيندى . كوك بايراغى آلنه آلدى . كيدن آووللرك آرقه سندن
يتيشدى . اونلره يسوقايك قاوغالرينى ، دستانلرينى سويلدى ؛
يالواردى ، باغيردى ، چاغيردى ، امر ايتدى . چونى پشيمان
اولديلر . آغلاديلر وسنجاغك آرقه سنه دوشهرك اوبهيه كلديلر .
او وقتدنبرى اولوسمز كيتدكه بويويور . تيموچين ده آرتق
يكتلىكنى كوسترييور .

باي صونغار

هم كوكجو اوكا اويله بر اوغور ويرديكه ياووزلقده باباسى
يوسقايدى كچه جك .

قارا تاي

سزله نه موطلو كه كوكجو كې برتب تا گريگز وار .

باي صانغار

اونى سزك اورالرده ده بيليرلمى ؟

چوچای

اولمدی اولدیردیلر .

قاراتای

اولدیردیلرمی ؟ هانکی صاواشده ؟

بای صونغار

زواللی یاسوقای . قلیج آلتنده اوله جک بر باغادور
قاری کبی یوردنده اولدی .

چوچای

اونی زهرله دیلر .

قاراتای

یا ! . .

چوچای

سن دیمک اولانلری طویمدک ؟

قارا نای

خیر !

بای صونغار

زواللی یسوقای !

چوچای

نە سويليورسك قاراتاي سن بورادن كیده لی اون آلتی
ییل اولدی ها ! کونلر نه چاق کچور !

قاراتای

أوت اون آلتی ییل . زواللی یاسوقای باغه دور دها صاغ
ایدی . تام اولون چایده تیموچینک طوغدینی ییل .

بای صونغار

هی کیدی کونلر هی ! اونه زنکینک ایدی . شیمدی هرشی
دکیشدی .

قاراتای

أوت دکیشمش . طانییدیغ ییکیتلرک چوغی قاوغاده
قیریلش ، چوغی ضاووشمش .

چوچای

هله یاسوقای باغادورک اولومندن صوکره بتون اویماقلر
بزی ترک ایتدی . کیمی کرایتلره ، کیمی طایجیغودلره ، کیمی ده
مه رکه دلره صیغیدیلر .

قاراتای

زواللی یاسوقای پک کنج اولدی .

قاراتای

کوجوی کورمه دگزمی ؟ اوندن اوغور آلمدن اولدم
طوغریسی کوزلرم آچیق کیدردم .

بای صونغار

یولده چوق صیقتی کچیردیگزمی ؟

قارانای

صورمایک . تسیم کول جوارنده بر اورمان یانیوردی .
یولمزی شاشیردق . اوچ کون صوسز قالدق . تا کری یه شکر
کرایت یوردلرینه راست کلدکده بزه بولاقلرک یئرلینی کوستردیلر .

چوچای

نه یه اولیاسوتایدن طوغری کلدیکز ؟

قاراتای

او یولدن کلن یول آرقداشی بولامادم . یاش قرق بش .
اون آلتی ییل اول بوراده ایکن بو قورغانلری کورمده
بش بالنده بکا « سن ناصل ایلگی بیلمز آراتسک ؟ » دیرلر
اوتاندرلردی .

(جاموقا آتشک باشنه کیدر تجره یه باقار)

قاراتای

آد بوايللر؛ هر زمان کوزمده توتر. بزم طرفك چاموردن
أولرى ايچنده انسان كندىنى مزارده صانيور. جانم كوچهلك.
صانكه چاديرلر برر قناد كبي انساني ايستهديكى يره اوچورور.

جاموقا

آ كلاشيلان بزم قاراتاي بابا اويغور شهرلرنده اوطورهلى
خيلي ييل اولمشده بويله طاغدن طاغه اوچانك آجيلرينى
اونوتمش .

قاراتاي

اون آلتى ييل اوغل ، فقط نه اولورسه اولسون قائمه
كوچهلك وار بر درلو اويغورلاشه مدم .

باى صونغار

بش بالخدن چيقلهلى نه قدر اولدى ؟

قاراتاي

ايكى آبي كچيور .

چوچاي

اوزون يولجىلق !

بای صونغار

ایچ باقالم بابا قاراتای. اوبهده صوصقان کبی قومیس یاپان
یوقدر.

قاراتای

(چامچانی آلوب چوچایه اوزاده رقه)

اویله ایسه سن بویور.

چوچای

اوجکه سن بویور.

(قاراتای براز ایچر . بای صونغار ویریر اوده ایچر
چوچایه ویرر، چوچای ایچرکن)

قاراتای

بزم بش بالحدده قومیس یاپارلر اما بویله سنی کرچکدن
دها ایچمه دم.

بای صونغار

اونلر اویغور قومیس . بزم قیصر اقلرک سودی کبی بیک
طاغک بیک اوتندن چیقماز . طارانچی حیوانلری طاریم
دو کونتیلریله یاشارلر .



بویوک یارین — برنجی پردہ



چوچای

بزم بابا قاراتای دمیر بایرامنه یتیشه یم دیه صوک کونلرده
چوق یورولمش .

(اوئاده جاموقاده اوطورر . بای صونغار آیاقدہ قایایه طایانیر)

جاموقا

اوילה ایسه بر قومیس . (صوصقانه)

صوصقان، بزم قونوغه بر آیاق قومیس .

(صوصقان یرندن فیرلار یورده کیدر)

قاراتای

صاغ اولک آقا شیمدی ایچدم .

چوچای

(قاراتایه)

آماده ایتدک ها . ایکی آیلق یورغوناق بر آیاغ قومیسله
صاووشماز آی اوغل .

(صوصقان چادیردن قومیس کتیریر) (قاراتای صوصقانه)

ایله اشارت ایدهرک رد ایدر)

جاموقا

یوو و . هم قومیس چویرمک تورک یولجیسنه
هیچ یاقیشماز .

باي صونغار

كون آيدىن آقالر .

چوچاي

(باي صونغار قاراتاي كوسترهك)

سزه يكي قونوغمز قاجى قاراتاي باباي كتىردم . سزك
آولدن بر آرات . تابش بالخدن كليور .

جاموقا

اما اوزون يولجىلق !

باي صونغار

(قاينك اوستنده ير كوسترهك)

بيور باقالم قاجى بابا سزده شويله !

جاموقا

(او وقتته ندر النده چوال طالمش قالمش اولان صوصقانه)

آلىق نه طوردك قالدك ؟ ايشكه باقسهك آ !

(صوصقان همان كيدهر ك تنجره نك التده كي آتشرى دوزه لدير .
قاراتاي يورغون يورغون اطورر . چوچاي ده قاينك كنارينه
اطورر .)

آقا چوچای ! بویورك ايشته آقام جاموقا بای صونغارله
بوراده لر .

(بای صونغار قلنجی قیننه صوقاره جاموقا ایله بای صونغار
اوطرفه طوغری باقارلرکن)

چاغان کول

(بوردك قبوسندن صای نوره)

صای نور ! هایدی سنده کیت . بلکه اُگه سنی آرار .
بوکونلرده اونی قیزدیرمیه سک . بنده ایشیمی بتیروب کله جکم .
(چاغان کول چادیره کیرر ، صای نور چادرک آرقه سندن
صوله کیدر)

صحنه — ۴

بای صونغار ، جاموقا ، صوصقان ، چوچای ، قاراتای

جاموقا

بویورسونلر آقا چوچای .

چوچای

کون آیدین آقالر .

جاموقا

کون آیدین بابا چوچای .

جاموقا

ذاتاً بويله ديه ديه راحتى قاجيردقيا . هان تا كرى
 صوكى اوغورلى ايلسون . هانى او ارگنه قون ياشايشى !
 شيمدى هر هانكى بريورده انى صوقسهك ايچنده كينه يچاقدن
 بشقه برشى بوله مزسك . بويله كيدرسه بويرلرده يشيل قارغه لرله
 قاپلومبغه لردن بشقه برشى قالمايه جق .
 (صوله طوغرى كيدر)

باي صونغار

(يرندن قالفار ؛ قلنجك كسكىنلىكسكه طوغرى نشان آلوب باقهرق)
 هاه شويله . . .
 (قلنجى اوپهرك)

سن جاموقانك سوزينه باقه سوكيلى قلنجم . بن سكا دها
 قاج نايمن قانى ايچيره جكم .
 (او ائنده صوصقان كير)

صحنه — ۳

صاى نور ، باي صونغار ، جاموقا ، صوصقان

صوصقان

(ائنده برچووال تزه كله تلاشلى تلاشلى جاموقاي آرايه رق)
 اقام چوچاي سزى آرايور . ياننده بر قونوق وار ،
 قاجى يه بكزييور . بورايه كليورلر . (يان طرفه سسله نهرك)

جاموقا

دشمنلرده بزه دشمنلرمز دیور . تا کری کوزومزک
آلایلدیکنه یایلاقلر ، چایلر ، اورمانلر ویرمش
ینه دنیایه صیغه میورز .

(اوراده کی بر قیالک کنارینه ایلشهرک)

البتده راحت براقزلریا . بز اولنری راحت براقیورمی بز .
بر کره قلنجلرمزی قینلرینه صوقالم . باق کیمسه راحتیزی
بوزارمی ؟

بای صونغار

(قنجنک کسکینلکنی آووجنده دنهیه رک)

یا کلش جاموقا یا کلش . دیرلک ، قوطلق قلنجی کسکین
اولانکدر . اکر قلنج اولمهیدی دنیا میسکینلره طولاردی .
باق کولده بیله بالقلرک بیوکی کوچوکلرینی یوتیور .

جاموقا

اونلر بالق .

بای صونغار

بزده ادام . اونلر بربرلرینی کسمه دن یوتیور . بزده
بربرلرمزی یوتمه دن کسیونر . ایشته فرق اوقدر . نه چاره
دنیا یی تا کری یکیت دنه مک ایچون یاراتمش . کوچوک تا گریلر
بیله بربریله چارپشمیورمی ؟

بیله باقالم قوجه بای صونغار ... بیله .

بای صونغار

(باشنی چویره رک معنیدار باقیشله)

سن ده او یو، قوجه جاموقا او یو، بر کون باصقینه او غرا دیغمز
وقت سنک کوز قاپاقلرینی ده دشمن قلنجی آچه جق .

جاموقا

نه یاپالم بر پارچه ده او بر دنیایی کورورز . سزک کبی
قلنجی کسکینلر آراسنده یاشایانلرک دشمن قلنجی یمده بختی
آچیقدر .

بای صونغار

او قلنجی کسکینلره دعا ایت . اونلر اولمسه سن ده بوراده
شیمدی زور او یوردک .

جاموقا

خیر او قلنجلر او قدر کسکین اولمسه بلکه دها راحت
ایدردک .

بای صونغار

یا دشمنلر من ؟

چاغان کول

(صوصقانه)

هايدى برآزده تزدك كتيړ، باق قازغانك آلتى اودسز قالمش.

صوصقان

(النده كى تخته قووا ايله دونر كيدر كن)

شيمدى خانم جغم شيمدى.

جاموقا

بدلاينه بو كونلرده آليقلغك اوستگده . قوميسى نره يه
كوتورو يورسك ؟

صوصقان

باغشلاييك آقام شاشيردم .

(دونر كن قاغينك قونكه چارپامق ايچون قوللايه رق كندى كندينه)

كونده اوچ دفعه باشنه قازيق چارپان آدم شاشقين اولمزده
نه اولور ؟

(قوميسى يوردك ياننه راقير، چاغان كول قوميسى آلهرق يورده كيرر)

جاموقا

(صوصقانه)

هايدى داها طور يورسك .

(صوصقان چيقارم) (جاموقا بر ايكي آديم آتار، كوزلريني

اووشديروب اسنه يهرك باي صونغاره ياقلاشير؛ او كا خطاباً)

چاغان گول

(یرندن قالقه رق)

صوصقان ینه نه باغیریورسک ؟ آقاك چادیرده اویویور .

صوصقان

نه اوله جق ، اویغورلرک ارمغانی . ای بر شی اولسه
ویرمزلیا . اشیا یوکلرسک ، دهوریلور ؛ حیوان قوشارسک ،
اورکر . کچن آقشام ینه کوزمی چیقارییوردم . ایکیسنی
کلیرکن صو آلدی کوتوردی . بو سفرده تا کریدن دیلرم ،
قیشلاغه اینرکن بونی ده چای آلسون کوتورسون ده بو قازیقلی
بلادن قورتیلام . هم جانم آتلمز ، دوه لرمز ، قاطرلرمز
وارکن بویله یرلردن آیاغنی کسمیهن کوتوروم قاغنیلره نه لزوم
وار . بونلر اویغورلغک اینلک باصامقلری . قورقارم که بزم
آولده یاواش یاواش اویغورلاشمسون . همان تا گری صاقلاسون .

جاموقا

(چادیرک قاپوسندن کورونور)

کوه زه ، ینه صاغصاغان کبی نه باغیروب دوریورسک .

صوصقان

(تلاشله)

آقام... شی قومیس کتیردم ده ، هم تازده ، پک تازده ؛ بوسفرده
اوقدر کوزل اولمش که

صای نور

بیلم . قورقیورم یوره کم چارپیور .

چاغان کول

او قورقو دکل قیزم سوینج چارپیتیسیدر . بنده اولنه حکم
وقت او یله اولدمدی .

صای نور

آه بنم بر دانه جک چاغان گولم . آرتق بنم آنام ، قرده شم ،
هپ سن اوله جقسک ... سندن چوق کیمسه نی سومیه حکم .

چاغان کول

یا طورغانی ؟

صای نور

(صیقيله رق)

اوده سنک قارده شک دکلکی ؟

(او ائشاده برتخته قووا قوموس ایله صوصقان صاغدن کیرر)

صحنه — ۲

چاغان کول ، صای نور ، بای صونغار ، صوصقان ، جاموقا

صوصقان

(باشنی قاغنینک قولنه چارباراق)

یره باطه سی قاغنی بزم نه مزه لازم ؟

صای نور

خیر اما حامدن بر شی آکلامش اولمی .

چاغان کول

اکلاسهده زیانی یوق. آرتق بوکون هر شیئی اوکره نه جک.

صای نور

(سونجمله)

دیمک ؟ بوکون ؟

چاغان کول

اوت بوکون . دوکونککزی دمیر بایرامنده یایمق اوزره
بوکون ، حتی شیمدی ، بر آاز صوکره سنی اگه دن قارده شم
طورغانه ایستیه جکم .

صای نور

آه چاغان کول ! صحیح می سویلیورسک ؟ فقط قورقیورم .

چاغان کول

سوینه جک یرده .

صای نور

یا ویرمزسه ؟

چاغان کول

اگه سنی سور . سکا طورغاندن اینی قوجه می بوله جق ؟

صای نور

أوت بکاده اوپله کلیور ! کیجه لری کورسه ک . بردنبره
 یاناغندن قالقار . چادیرک قابوسی آچار . قیرلره طوغری باقار ،
 باقار ؛ صکره آغلايه آغلايه یاناغنه کیرر . حتی بر کیجه
 اویقوسنده صایقلارکن قارده شک طورغانک اسمنی چاغیره رق :
 بنی قورتار ، طوغجی بنی قورتار ، دیسه باغیردیغنی ایشتمش
 وایانمشدم . طورغانک بنی کورمک ایچون چادره قدر کیردیکنی
 صانمش واپله قورقمشدم که بر آراق کنیدی طوپلایه مدم
 وایغینلقلر کچیردم . صکره اویاندی آغلامغه باشلادی . (عزون)
 طورغانک دوشونجه سیله او آقشام بنده چوق آغلادم .

چاغان کول

امان اُگه بر شی آچادک یا ؟

صای نور

خای... ر ناصیل آچارم . سز بکا تنیه ایتدیگز می ؟ حتی
 اُگه بر قاچ دفعه لر بکاوردی ؛ کیمسه نی سویورمیسک
 سن بنم قیزمسک بندن صاقلامه دییه بنی سویلتمک بیله
 ایستدی .

چاغان کول

آغز کدن بر شی قاجیرمدک یا ؟

چاغان گول ، صای نور ، بای صونغار



صای نور

زواللی اُگه، صباحلره قدر او یوم یور. اُچیکه ایله اولیلاک
سوزی چیقدی چیقالی او قدر د کیشدی که؛ کیمسه ایله قونوشمایان
او سرت قادین شیمدی یورده بتون کیجه، بر چوجق کبی
سویلشمک ایستیور. او یقوم کلسون دییه بکا ماصلالر پیله
سویلیور. او یقو باصوبده دالار کبی اولسه م. ایچین ایچین
آغلامه لرندن او یانیورم.

چاغان کول

طوغرایمی شاشیله جق شی. اُگه آولمزك اك بیوکی.
ایسته مزسه اولمز اونی کیم زور لایه بیلیر ؟

صای نور

(یواشجه)

چوچایله (بای صونغاری کوستره رك) بای صونغار !

چاغان کول

اینانیور میسک ؟ آه قیزم آه. تا کری انسانی اُچیکه کبی
بویوجیلرک آلنه دوشور مسون. اوکا بویو یایدیلر بویو !

بویوک یارین

۱

برنجی برده

(بایقال کولنه آقان صالانغاصوی باشلرنده « بوغدواولا »
مقدس طاغ اٲککلرنده بورجیکه نلرک یایلاغی)

صحنه نك کیروسنه طوغری صاغ طرفده برکوجبه یوردی . یاننده
وارقه یه طوغری برقاچ یورد دها . ارقه طرفدن بوز قیرلر کورینور .
صاغده کی یوردك اوکنده چاپراست ایکیشر قازیق اوستنه افق بر آغاچ
وضع اولونمش ، اوستنده ده بر باقراچ آصیلمش ، آلتنده آتش یانیور .
چادیرك ارقه طرفنده اوقی یوقاری یه طوغری قالمش بر قاغی .
یوردك قاپوسی اوکنده چاغان کول کلیم ؛ طوقومقله مشغول . یاننده
صای نور ، آیاتده اورده که ایله ایپلک بوکویور . دیگر طرف ایلروسنده
وصحنه نك اوکنه یقین بر قیسا یاننده بای صونغار باغداش قورمش
کوچک بر بیله کی طاشنی قلنجنه سورده رك بیله یور .



اشخاص

پیه سك ايلك تمیلنده

- اولون آكه - ۳۶ یاشنده تیموجینك والدهسی - قنار خانم
 صای نور - ۱۸ » اولون آكه نك خلائی - ئه لیزا بینه مجیان خانم
 چاغان كول - ۲۷ » جاموقانك زوجه سی، طورغانك قیزقرداشی -
 آرنیف خانم
 كمشین - ۱۷ » اولون آكه نك خلائی - آدریه ن خانم
 طورغان بای - ۲۵ » تیموجینك بایراقداری - نورالدین بك
 بای صونقار - ۳۰ » آرلانك بكی - صفوت بك
 تیموجین - ۱۶ » چنگیز خان - بینه مجیان افندی
 كوچكو - ۲۲ » بوجه قاجی - حقی مجیب بك
 جاموقا - ۳۵ » جوربات آق میكلرندن - دولكریان افندی
 قاراتای - ۴۵ » قاجی (راهب) - شادی بك
 چوچای - ۵۰ » تیمورجینك خواجه سی - فهم افندی
 مینلینگ اچیکه - ۴۸ » كوچونك باباسی -
 بوغورجی - ۱۸ » تیموجینك یاساوولی - نوری بك
 صوصقان - ۳۵ » جاموقانك آت اوشاغی - چوبانیان افندی
 اوبه خلقی ، آت اوشاقلری ، عسكرلر ، قادیلر وساثره



PL
248
A782 B8



بویوک و یارین

تاریخی فاجعه

۳ پرده

مؤلفی : جلال اسعد

وقعه ۵۶۵ سنه هجریه سنه دوغری بايقال جوارنده کچر

حق تمثیلی محفوظدر

ایلاک دفعه اوله رق اون سنه اول تمثیل ایدلشددر

استانبول — اقدام مطبعه سی

۱۳۳۹

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
A782B8

Arseven, Celal Esad
Buyuk yarin

